

度

支

奏

議

度支奏議卷之二十七

新餉司目錄

覆匡永等營新兵并兩路額軍如糧疏

考核南部新廠主事何其俠差滿疏疏

奏報新餉出入大數疏

覆開城建廠并議增運價疏

覆蒯適督撫議免寧遠四年分屯稅疏

覆張盡島兵抵登增給全餉疏

覆楚撫報解錢糧本與貼黃數目互異疏

履永平委官侵欠并議處司道各官疏

履西協監視條議兵餉四款疏

履中協監視請發營路壓欠餉銀疏

履江西安福縣加派不均疏

履東協監視請發川貴兵餉疏

履招練等兵餉則例疏

履武進士陳值等條議除領糧勒費疏

履中協監視家丁食糧則例疏

題借老庫輕賫漕折充餉疏

題減撫按軍餉公費疏

覆蜀撫解補蜀兵安家并扣抵秦兵行糧疏

度支奏議卷之二十七

太子太保戶部尚書淄青畢自嚴視草

覆匡永等營新兵并兩路額軍加粮疏

題爲微臣暫駐永城料理畧有端緒謹因回鎮據
實奏

聞事新舊兩餉司案呈崇禎四年閏十一月十四日
奉本部送戶科抄出順天巡撫傅象龍題前事
內開臣與內臣道臣聚議永平城內除府操民
壯七百名僅可供雜項差遣仍應實練戰守官

兵五千員各臣已調到團練營兵丁一千五百四十員各皆精強可用又選甲馬健丁一百五十名以克偵哨又匡永山東車中三營兵共二千三十名該道新舊家丁五百名撤回寧錦留防匡永營兵九百名以上共五千一百二十餘員各併其零星汰其老弱清其虛冒除團練營兵丁原食厚糧外匡永等營皆照山海關例月給餉銀一兩四錢米五斗則餉足而教練可施此五千人可守亦可戰矣又議燕建二路應置

貼防兵萬人今除許成名所部一千二百名有
奇蔡裕所部二千名李友直所部六百名有奇
張洪烈所部一千名秦翼明所部三千六百名
共八千四百餘員名尚少一千六百名容臣因
遵再於勝兵營內措撥期足萬人之數而止其
兩路額軍臣已行該道挑選分爲二等上等者
議給餉銀一兩米三斗練之待戰次等者議給
餉銀七錢米三斗責之以守老弱者悉行裁汰
庶不致恃客而忘主耳仍乞

勅部議覆施行本年閏十一月十二日奉

聖旨傳宗龍料理永平事情知道了以後各撫俱遵照所轄悉心幹辦共固金湯一切兵餉等事聽其確酌自行奏請該部知道欽此欽遵兵科分抄到部送司除一面呈堂咨行外所有匡永等營兵並兩路額軍加糧事宜相應酌覆案呈到部該臣等看得永鎮當殘破之餘兵力旣欲厚集芻糧亦虞不繼薊撫傳宗龍綢繆嚴疆惓惓兵食誠練客實主之長計也據疏除團練營兵丁二

千五百四十員名原食厚餉外如所開匡永山東車中三營兵共二千三十名新舊道丁五百名又調回寧錦留防匡永兵九百名皆欲比照開寧例月給一兩四錢米五斗查匡永山東二營并道丁舊例止月支銀一兩六錢不支米今議減銀二錢而加米五斗是每兵約月增二錢矣如慮本色不足仍照臣部近議每兵月給三斗餘米照例改折似亦權宜濟乏之計兵寧精而毋多餉寧厚而毋薄合主客行月而一之似

不必拘泥管例者至車中一營查永鎮經制並無此營伍亦關寧調入之兵也以關兵而照關例食餉又不待再計矣其貼防萬兵如許成名蔡裕李友直張洪烈秦翼明共兵八千四百餘員名見有額糧尚少一千六百名議於勝兵營內選撥則月餉亦取諸原食而足雖間有增損而無煩另設卽兩路額軍原係舊餉主兵例食米折銀七錢今議挑分二等堪戰者銀一兩米三斗堪守者銀七錢米三斗計所增不貲然據

疏稱老弱者悉爲裁汰則卽所汰之餉便可通融裒益但當酌定確數以便計口授餉可也至永鎮召買維艱已干山海南海口未運米豆內撥米一萬石豆二萬石如監視內臣張國元所請撥行在案但未有議及買草者或永鎮馬匹無多牧芻尚可支持也昨據管餉主事羅應許呈稱永鎮馬匹除例支折色外本年十月起至五年四月止豆計八箇月該豆四千七百八十餘石草計十二箇月該草一十七萬九千二百八十

東臣部因查前疏所撥開豆二萬石似尚太多
已劄行該餉司且先運一萬石至於草束歲用
本折各半即使調援克廐亦可數馬而知移文
查議未據確覆歲已云暮召買似遲應令該鎮
餉司卽于前發召買銀一萬兩內除運價外卽
買草十萬束餘銀仍克月餉照開薊買草例冊
報銷算雖價值量有不同亦不待過信商委高
擡冒破也敢因薊撫之疏而併及之統候

命下臣部移文各該衙門遵奉施行

崇禎四年十二月初一日具

題本月初四日奉

聖旨據稱永鎮經制原無車中一營關寧方在招補
如何調入著查明奏來額軍舊餉若兩路議增各
路必俱援例所費不貲還著該督撫監視通長確
酌速奏運豆及買草束俱依議欽此

考核南部新厰主事何其僕差滿疏

題爲南計愈窘南鑄宜急謹嘔心詳議簡要可行
請

旨嚴飭以裨實用以補罅漏事專理新餉山東清吏
司案呈崇禎四年閏十一月十六日奉本部送
戶科抄出南京戶部尚書鄭三俊等題前事內
開江西清吏司案呈本年五月初九日奉本部
准戶部咨開先該本部題前事三月初九日奉
聖旨據奏鼓鑄利饒若得本銀四萬八千兩亦可粗

辦前議楚餉倉銀如何不遵旨解部著嚴催接濟
以裕南儲考核司官卽以獲息多寡有無釐弊爲
優劣其還本奏報事宜聽該部酌處欽此該戶部
覆奉

聖旨依議欽此欽遵備咨到部送司稟堂奉批抄案
通行奉此除將楚餉移付湖廣司嚴催還本行
銀庫遵照外至于季報今雖逾期而該廠司官
業已差滿近奉

明旨考核似應於疏內一併奏報今奉本部送據監

督鑄錢山東清吏司主事何其侯呈稱本職奉
劄委管理府軍新廠於崇禎三年八月十九日
到任于九月十八日開鑄起至四年八月二十
四日放匠止任內先後共領過鑄本銀二萬兩
鑄過

制錢十二鑄共錢一萬七千六百二十六萬八千五
百七十六文除放過工料宗祿兵糧等項外實
在廠交代錢四千零二十九萬八千六百六十
四文值銀三萬八千一十七兩六錢八厘零又

銀二千三百八十九兩一錢六分八厘零通共
銀錢共見在銀四萬四百六兩七錢七分六厘
零內除還原本銀二萬兩淨獲利銀二萬零四
百六兩七錢七分六厘九絲五忽六微八纖今
照本職一年差滿理合造冊呈報伏乞

奏繳施行等因到部奉批江西司銀庫清算送司
奉此隨該本司郎中畢生輝會同銀庫主事譚
先哲逐一磨算相同另冊報堂外今主事何其
侯差滿將管過一年本利明白備開在冊例應

考核案呈到部該臣等看得本官任事擔當持
身謹凜新局方興百務草創而能使翕然就緒
按日收功惟其陋規盡除毫無染指故爾承委
輒效斯亦濟艱之才幹時之器也稱職應准復
職仍應照原題叙錄者也等因本年閏十一月
十四日奉

聖旨戶部知道欽此欽遵抄出到部送司查得南部
新廠主事何其僕于崇禎三年八月十九日到
任至四年八月二十四日止任內共領過鑄本

二萬兩淨獲息二萬四百六兩七錢七分零利
倍于本今既差滿相應考核案呈到部該臣等
看得南庫告匱計臣蒿目時艱苦心籌畫建議
新舊兩廠並鑄以導利源奉

旨考核司官卽以獲息多寡有無釐弊爲優劣臣部
覆奉

欽依遵行在案今新廠主事何其俠督鑄僅及一年
而以二萬鑄本獲息二萬四百餘兩當創設之
始奏效乃爾可謂績著軍

國而克共委任者也考得本官剔釐有法省試惟
勤操持防凜一錢幹濟才優萬選似當如南計
臣議准其復職仍咨吏部從優紀錄以示激勸
既經具題前來相應覆

請恭候

命下臣部移文南戶部并咨吏部遵奉施行

崇禎四年十二月初一日具

題本月初六日奉

聖旨何其僕准復職欽此

奏報新餉出入大數疏

題爲遵

旨查奏一切新餉出入大數仰祈

聖鑒事專理新餉山東清吏司案呈本年閏十一月
初二日該本部會同兵部題爲欽遵

召諭事等因本年閏十一月初六日奉

聖旨據奏新舊加派及項等襍銀歲額至九百餘萬
餉非不多乃匱詘日甚士馬愈弱總因兵虛餉冒
錮弊相沿若非通長打算徹底清釐邊計何賴

三協應查舊軍舊新兵籍新兵各若干缺額若干
牆臺隘口應用防守若干策應截殺應用遊騎若
下此外援防之兵可否補併通昌津兵應補何缺
督治應否仍舊以及閩寧宜大等處通行查核補
練務使伍皆精兵餉有餘積方于恢勦有裨若但
筭援兵行糧搃菜等費量加裁撤苟支目前何濟
於事且如此大計兩部宜面議商確共圖經久豈
得但憑議單往還又夷十廩甲價少著該部另議
如何徑置不言還着通行詳議酌妥具奏其戶部

一切出入項款併遼東原有舊餉逐一開列總批
另本來看該部以任專責不得瞻徇隱漏欽此
遵除查覈兵額酌定戰守及補練事宜近該兵
部題令該撫按查奏候

奏報到日兵部會同本部確議合奏外所有一切
出入餉數相應先行查奏案呈到部該臣等看
得

國家計兵授餉出入原欲相準當遼陽全盛之日
以京民運數十餘萬養之有餘迨于今茲遼海

肉全副物力殫有司全副精神供之是豈
繇餉額缺也虜無所不可攻我無所不當守有
非時之出無按時之入雖量入爲出競競不敢
輕下一籌而紛糶凌穢不能以一盤打就勢使
然也憶

皇上元年戊辰秋各鎮欠餉數月致有寧遠縛官索
餉之變臣承乏其後憂心如惓因取原議雜項
九款而核之強半名存實無遂力破情面疏請
皇上責省直司府自認已復駁令再認始有定額以

至割裂之島餉充餉多用之登餉粵東題留之
塩課南京久假之事例贛州久據之橋稅新舊
爭持遼鎮之京運民運皆從蠹案殘牘中視爲
塵飯盡餅者臣不憚敝舌禿穎掇拾講求指作
療饑之款彙成出入大數于崇禎二年七月內
具題奉

聖旨覽奏新餉昨歲缺額一百二十五萬今入額稍
寬具見卿持籌苦心但省直完欠不一還嚴覈考
成及節浮剔弊查解等項俱逐一詳飭行欽此

是時客兵各已實伍主兵銳意汰弱以崇禨三
年爲始約計歲入五百一十六萬五百五十八
兩三錢九分四厘九毫約計歲出五百一十三
萬八百八十六兩九錢六厘除閏月不筭外尚
剩額銀二萬九千六百七十一兩四錢八分八
厘九毫假令征調不興催科無逋雖至今遵守
可也未幾而虜騎躡入內地一切城守防援芻
料輦運犒享行月之費悉索新庫殆不能支所

幸

聖武布昭名城恢復然而勤

王應募之旅版築繕修之役要求奢望各督撫鎮將
亦遂懲羨吹噓不問餉所自來臣始大困無策
臣查前此每遇虜警餉缺盈廷呼號請發

帑金歲或百萬或數十萬不等以濟匱乏臣既不
敢比例叫

闢以危詞煩

聖慮又不能顧

天雨金以謬巧慰兵饑不得已勉力支撐矢心任怨効

剗肉醫眼之謀諸權宦加派三厘請權宜暫扣
生員優免蒙

皇上僉詢于衆

膚斷于獨克有成議皆自四年爲始四年以前缺額
百六十萬所賴幸免脫巾者顧差京卿以催積
逋額勸輸以助涓涖顧那借輕齎漕折等項以
救一時之急三年秋冬積欠輳至計吏雲集各
以地方應輸餉額凜凜期會新庫稍覺寬餘臣
乃仰遵

明旨按月奏發然而四年入額亦暗爲侵透多矣何也三年預徵已透用過十分之三四年償逋如商價輕賁以及找發未完之召買腳價等項又已代還去十分之二此四年所繇患不足也今除工部分餉及秦晉滇蜀黔省粵西蠲減留用外卽東省全賦臣前疏就四年論故作題留扣除但原係暫留行當漸還應作本部出數卽應作本部入數約正襍并額外襍欸及登島餉歲共入數八百三十八萬二千六百九十三兩有

竒本年六月以前援兵未撤兼支頗冗未敢據
爲出數今但就近來已定未定之經制叅諸餉
冊實在之支放并登撫留用海運召買之本折
腳價歲約出數七百一十八萬一千四百八十
二兩零而閏月布花及征調援兵未在數內出
入相配尚有溢額一百二十餘萬于以抵海陸
二運召買價值之偶浮及一切意外不經之冗
費似可勉爲支持矣雖然入數亦未可恃也無
論南部事例又假不歸南工蘆課有爭無鮮上

杭河稅閘粵互推撫按派餉新從減定幾同止
渴之梅卽塩課一項兩淮附近欠至六十餘萬
屢奉

明旨責成如生員優免亦尚報解參差且原議扣足
三年卽止則亦非不涸之源也其着實應手者
惟有新舊加派之五百二十二萬九千六百五
十餘兩九款襍項之九十六萬七千七百八十
餘兩而海內民力已竭有司叅罰幾窮卽天啓
六七年加派尚有拖欠向後水旱盜賊之不時

豈能保無通賊且出數亦未可必也臣部
七月所陳出入疏內開薊鎮歲額止二十四萬
今歲支至一百五十萬餘兩倘繇茲邊防克
奴氛悔禍此兵此餉實實不浮則可藉以充
億而望騰飽

國計幸甚臣部幸甚不然者後之視今猶今之視
昔將加派襍項之外更操何術點金則臣之所
大恐也至于遼鎮舊餉民運一十三萬三千三
百九十兩五錢向已編入新餉額外欸項近留

餉登兵又遼鎮舊餉京運銀五十二萬五千六百一十二兩三錢五分臣于元年冬月具

題坐

定北直山東太倉京邊二十萬兩歸新餉召買
又作出入定額外虎燉炒花撫賞銀一十一萬
六千六十二兩五錢提塘月糧銀二千五百餘
兩遇閏加銀二百兩雖歸大倉支放原充遼鎮
之用餘銀二十萬六千八百四十餘兩仍聽太
倉舊餉支銷向時新舊爭執一見謂以舊餉舊

一見謂以遼餉遼故臣爲酌分之如此惟

聖明鑒裁焉謹將新餉一切出入款項開列于後

崇禎四年十二月初二日具

題本月初七日奉

聖旨據奏新餉歲計出入大數其入浮于出尚溢額
一百二十餘萬儘可會計贏節增蓄裕儲何得輒
以浮價冗費及入數難恃等語先行寬假撫賞銀
稱歸大倉原充遼鎮之用係何項支費併餘銀
十餘萬仍聽太倉舊餉支銷明屬混淆有無借冒

通着奏明向因援兵紛集經制參差以致費繁難
覈近奉旨酌議補併畫一責成自可按兵給餉充
然有餘這本內出數著俟兵制確有成議還與兵
部計定另本開明來看欽此

計開

新餉入數

崇禎四年分

一加派

浙江省舊加派九釐銀四十二萬二

百七十二兩八錢四分二釐三

毫 新加三釐銀一十四萬九

十兩九錢四分七釐四毫三絲

內除徑解工部分餉銀四萬兩

實解部新舊額銀五十二萬三千三百三十三兩

六十三兩七錢八分九釐七毫

三絲

江西省舊加派九釐銀三十六萬一

千三十六兩一錢四分三釐九

毫九絲 新加三釐銀一十二

萬三百四十五兩三錢八分一

釐三毫八絲內除徑解工部分

餉銀二萬兩減免袁屬浮額銀

四千一百八十二兩以五年爲始

實解部銀四十五萬七千一百九十九兩五錢二分五釐二毫七絲其表屬浮額銀四年分尚應解部

福建省舊加派九釐銀一十二萬八百二兩五錢六釐 新加三釐銀四萬二百六十七兩五錢二

釐一毫六絲

實解部新舊額銀一十六萬一千七十兩八釐一毫六絲

湖廣省舊加派九釐銀七十四萬二

千四百七十六兩一錢六分三

釐九毫內除潞庄長沙減去九

萬兩節年減少一十二萬六千

六百三兩二錢六分三釐九毫

今題定五十二萬五千八百七

十二兩九錢 新加三釐銀一
十七萬二千二十四兩九錢六
分二釐內除解黔餉銀二十萬
兩蠲減巴陵等州縣新加銀七
千七百八十二兩八錢二分六
釐

實解部新舊額銀四十九萬一百
一十五兩三分六釐

河南省舊加派九釐銀六十六萬七

千四百二十一兩五錢六分

釐 新加三釐銀二十二萬二

千四百七十三兩八錢五分六

釐內除徑解工部分餉銀四萬

兩蠲減獲嘉陽武等州縣新加

銀一萬八百五十兩七分五釐

八毫四絲八忽五微

實解部新舊額銀八十三萬九千

四十五兩三錢四分八釐一毫

五絲一忽五微

山東省舊加派九釐銀五十五萬五
千七百五十一兩九錢七分三
釐二毫四絲一忽 新加三釐
銀一十八萬五千二百五十兩
六錢五分七釐七毫內除徑解
工部分餉銀二萬兩留德州新
兵餉銀二萬兩另留充登島餉
銀五十六萬五千四百三十二

兩六錢九分九毫四絲一忽原
係暫留仍作額數

實額銀七十萬一千二兩六錢三
分九毫四絲一忽

山西省舊加派九釐銀三十一萬八
千五百八十九兩六錢一分四
釐五毫三絲 新加三釐銀一
十萬六千一百九十六兩五錢
三分八釐一毫七絲六忽二微

內除徑解工部分餉四萬兩
充抵年例銀五萬兩蠲減保德等
州縣銀一萬三千六十一兩六
錢九分六釐緩徵洪洞銀七千
七百六十八兩五錢一分四毫
實解部新舊額銀三十一萬三千
九百五十五兩九錢四分六釐
三毫六忽二微

陝西省舊加派九釐銀二十六萬三

千六百三十一兩四錢六分五釐
新加三釐銀八萬七千八百七十七兩一錢五分五釐內
除徑解工部分餉銀四萬兩兌
抵年例銀七萬一千四百五十
兩一錢五分兵部賑濟銀一萬
兩蠲減臨肇二府四年分新加
銀九千三百一十二兩八錢九
分四釐寬停延慶平并合水銀

六萬六千三百四十六兩八錢
二分四釐又覆該省鄉紳疏于
正襍優免銀內共留八萬兩以
爲勦賊之用俟該省分款冊另
行開銷今姑作暫留四萬兩

實解部新舊額銀一十一萬四千

三百九十八兩七錢五分二釐

廣東省舊派九釐銀二十三萬一千
一百七十八兩六錢二分三釐

新加三釐銀七萬七千五十九

兩五錢四分一釐

實解部新舊額銀三十萬八千三

百三十八兩一錢六分四釐

廣西省舊派九釐銀六萬九百一十

七兩三錢五分 新加三釐銀

二萬三百五兩七錢八分三釐

三毫三絲三忽

實解部新舊額銀八萬一千二百

二十三兩一錢三分三釐三毫
三絲三忽

四川省舊派九釐銀一十二萬一千
三百四十四兩九錢五釐七絲
新加三釐銀四萬四百四十六
兩三錢一釐六毫六絲六忽

實解部新舊額銀一十六萬一千
七百九十一兩二錢六釐七毫
三絲六忽

雲南省補派九釐銀一萬六千一百

九十四兩二錢二分九釐二毫

題留盡充滇餉 新加三釐因

該省兵荒免派

貴州省向無加派

延慶州舊派九釐銀九百五十三兩

四錢八分一釐六毫 新加三

釐銀三百一十七兩八錢二分

七釐二毫

實解部新舊額銀一千二百七十

一兩三錢八釐八毫

保安州舊派九釐銀二百七十四兩

二錢五分四釐三毫 新加三

釐銀九十一兩四錢一分八釐

一毫

實解部新舊額銀三百六十五兩

六錢七分二釐四毫

南直應天府舊派九釐銀六萬二千

四百六十四兩六錢二分六釐

新加三釐銀二萬八百二十一

兩五錢四分二釐

實解部新舊額銀八萬三千二百

八十六兩一錢六分八釐

安慶府舊派九釐銀一萬九千七百

一十四兩七錢七分七釐三毫

新加三釐銀六千五百七十一

兩五錢九分二釐四毫三絲一

忽

實解部新舊額銀二萬六千二百
八十六兩三錢六分九釐七毫
三絲一忽

徽州府舊派九釐銀二萬四千七百
五十二兩四分七釐五毫 新
如三釐銀八千二百五十兩六
錢八分二釐五毫

實解部新舊額銀二萬三千二百

老銀三分

寧國府舊派九釐銀二萬七千三百

九十七兩七錢五釐六毫

加三釐銀九千九十九兩二錢

三分五釐二毫

實解部新舊額銀三萬六千三百

九十六兩九錢四分八毫

池州府舊派九釐銀八千一百八十八

兩三錢四釐三毫新加三釐

銀二千七百二十六兩七錢六分八釐一毫

實解部新舊額銀一萬九百七兩七分二釐四毫

太平府舊派九釐銀一萬三千二百五十二兩三分四釐七毫 新
加三釐銀四千四百一十七兩三錢四分四釐九毫

實解部新舊額銀一萬七千六百

六十九兩三錢七分九釐六毫

蘇州府舊派九釐銀八萬三千六百

六十三兩六錢五分四釐八毫

二絲四忽 新加三釐銀二萬

七千八百八十七兩八錢八分

四釐九毫四絲一忽三微一纖

實解部新舊額銀一十一萬一千

五百五十一兩五錢三分九釐

七毫六絲五忽三微一纖

松江府舊派九釐銀三萬八千二百

二十九兩三錢三分四釐 新

加三釐銀一萬二千七百四十

三兩一錢一分一釐三毫一絲

實解部新舊額銀五萬九百七十

二兩四錢四分五釐三毫一絲

常州府舊派九釐銀五萬七千八百

三十兩三錢五分六釐四毫四

絲 新加三釐銀一萬九千二

毫八絲

實解部新舊額銀七萬七千一百

七兩一錢四分一釐九毫二絲

鎮江府舊派九釐銀三萬四百三十

五兩四錢二分四釐二毫新

加三釐銀一萬一百四十五兩

一錢四分一釐四毫

實解部新舊額銀四萬五百八十

兩五錢六分五釐六毫

廣德州舊派九釐銀一萬六千一十
五兩四分五釐 新加三釐銀
五千三百三十八兩三錢四分
八釐三毫一絲

實解部新舊額銀二萬一千三百
五十三兩三錢九分三釐三毫
一絲

廬州府舊派九釐銀六萬一千五百

五十兩一錢九分九釐新舊

三釐銀二萬五百一十六兩七

錢三分三釐

實解部新舊額銀八萬二千六十

六兩九錢三分二釐

鳳陽府舊派九釐五萬四千一百七

十二兩七錢七分三毫新加

三釐銀一萬八千五十七兩五

錢九分一毫內除減免新加

一千八百四十七兩五錢五分
八釐四毫二絲續減銀三千七
百六兩八分五釐五絲五忽二
微六纖五沙四塵

實解部新舊額銀六萬六千六百
七十六兩七錢一分六釐九毫
二絲四忽七微三纖五沙四塵
淮安府舊派九釐銀九萬八千一百
一十九兩七錢七分七釐二毫

一絲六忽 新加三釐銀二毫

六千六百三十七兩七錢一分

三釐四毫六絲二忽內除題

鹽桃二縣銀一萬八千二百六

兩六錢三分六釐六毫一絲六

忽減派新加銀一萬五百四十

兩六錢九分五釐二毫八絲續

減銀三千五百八兩九錢六分

九釐三毫八絲六忽

實解部新舊額銀九萬二千五百

一兩一錢八分九釐二毫九絲

六忽

楊州府舊派九釐銀五萬四千九百

七十六兩四錢九分七釐二毫

一絲 新加三釐銀一萬八千

三百二十五兩四錢九分九釐

七絲內除減免新加銀三千四

十八兩九錢三分八釐九毫一

絲六忽五微四纖

實解部新舊額銀七萬二百五十二兩五分七釐三毫六絲三忽四微六纖

徐州舊派九釐銀一萬八千一百五十二兩四錢四分七釐六毫新加三釐銀六千五十兩一錢四分九釐二毫

實解部新舊額銀二萬四千二百

兩五錢九分六釐八毫

滁州舊派九釐銀二千五百二十八

兩九錢六分四釐七毫 新加

三釐銀八百四十二兩九錢八

分八釐二毫三絲一忽

實解部新舊額銀三千三百七十

一兩九錢五分二釐九毫三絲

一忽

和州舊派九釐銀五千五百九十四

兩二錢一分新加三釐銀

千八百六十四兩七錢三分六

釐二毫

實解部新舊額銀七千四百五

八兩九錢四分六釐二毫

北直順天府舊派八釐銀一十一萬

四千五百二十兩四錢四分八

釐八毫五絲全蠲訖新加銀

免派

永平府舊派八釐銀一萬四千六百

七十兩五錢二分一毫五絲全

蠲訖 新加銀免派

保定府舊派九釐銀八萬七千三百

八十五兩九錢五分七釐三毫

五絲全免訖 新加六釐該銀

五萬八千二百五十七兩三錢

四釐九毫

河間府舊派九釐銀七萬四千五百

六十四兩九錢七分六釐

全免訖 新加六釐該銀四兩

九千七百二十三兩三錢一分

八釐八毫

眞定府舊派九釐銀九萬二千四兩

七兩五錢五分四釐全免訖

新加六釐該銀六萬一千六兩

五兩三分六釐

順德府舊派九釐銀一萬二千七兩

八十三兩六錢四分三釐二毫

全免訖 新加六釐該銀八千

五百二十二兩四錢二分八釐

八毫

廣平府舊派九釐銀一萬八千二百

一十四兩五錢四分八釐全免

訖 新加六釐該銀一萬二千

一百四十三兩三分二釐

大名府舊派九釐銀五萬五百七十一

共計銀四萬七千七百一十兩九錢六分四厘

訖 新加六釐該銀三萬三千七百一十兩九錢六分四厘

七百一十七兩九錢六分四厘

八毫

以上各省直新舊加派共銀四萬七千七百一十七兩九錢六分四厘

六十七萬九千二百八兩六錢六分四厘

九分五釐五絲一忽五微一纖

內除蠲留并黔餉分餉項銀三萬三千七百一十七兩九錢六分四厘

項銀共一百四十四萬九千二百八兩六錢六分四厘

百五十五兩九錢四分九釐
毫七絲二忽三微五沙四塵
實該新舊加派銀共五百一十二
萬九千六百五十二兩七錢四分
五釐七絲九忽二微四沙六
塵

一襍項除免

觀路費外屯田加派平糶倉穀房產稅契抽和工食
優免丁糧馮夫壯候典補

襍支

公費共九款

浙江省襍項原認銀九萬三千六百

一十九兩七錢五分又據該省

覈冊開報各州縣細數共額銀一十二萬九千九百

三十三兩七錢

江西省襍項銀六萬四千八百四十

七兩八錢七分

福建省襍項銀八萬二千五百二十

三兩四錢四分

河南省襍項銀八萬六千七百五十

五兩六錢八分

山東省襍項銀八萬九千一百一十

五兩五錢原係暫留島餉仍作

額數

山西省襍項銀六萬八千一百六十

六兩九錢內除蠲免河曲縣銀

二百七十八兩八錢

實該解部銀六萬九千二百六

合兩一錢

陝西省標項銀六萬九千二百六

一錢內除蠲免合水縣銀一百

二十七兩八錢三分又覆該省

鄉紳疏下正襍優免銀內共留

八萬兩以爲勦賊之用俟該省

分款冊報另行開銷今姑作暫

留四萬兩

實解部銀二萬九千七十八兩二

錢七分

廣東省襍項銀六萬一千一百三十

二兩七錢

廣西省襍項銀一萬二百六十四兩

八分

湖廣省襍項銀一十二萬二千一百

九兩七錢內除留黔餉銀四萬

五千七百五十五兩實該銀七

萬六千三百五十四兩七錢

雲南省襍項銀六萬三千三十四兩
留充該省兵餉

四川省襍項銀九萬六百三兩六錢
五分留充該省兵餉

南直隸

應天府襍項銀九千二百九十六兩
九錢六分

安慶府襍項銀九千八百五十六兩

四錢九分

徽州府襍項銀一萬二千三百四十

五兩四錢七分

寧國府襍項銀一萬六百三十三兩

三錢

池州府襍項銀七千一百五十四兩

三錢

太平府襍項銀四千三百八十八兩

七錢

蘇州府襍項銀一萬五千一百五十五

一兩六錢九分

松江府襍項銀九千八百七十九兩

三錢一分

常州府襍項銀五千四百八十二兩

九錢

鎮江府襍項銀七千二百兩二錢

廣德州襍項銀一千五百九十兩九

錢

廬州府襍項銀一萬七千四百二十

四兩七錢六分

鳳陽府襍項銀三萬三千一十一兩

三錢六分

淮安府襍項銀一萬五千六百四兩

八錢五分

揚州府襍項銀二萬六千三百七兩

四分

徐州襍項銀五千二百二十二兩七

錢七分

滁州襍項銀三千三百八十六兩
錢五分

和州襍項銀三千九百一十八兩
錢七分

北直隸

順天府襍項銀一萬四千四百兩
分內除蠲免二千五兩四錢二
分

實解部銀一萬二千三百九十四

兩六錢七分

永平府襍項銀五千一百九十六兩

一錢五分四釐內除蠲免銀二

千五百二十一兩二錢五分四

釐實該銀二千六百七十四兩

九錢

保定府襍項銀一萬三千四百九十

九兩四錢一分九釐

河間府襍項銀一萬二千三百五十五兩

六兩四錢一分五釐

真定府襍項銀三萬一千六百二十一兩

兩六錢九分內除留恒山新縣

餉銀一萬四千五百八十二兩

三錢實該銀一萬七千三十八兩

兩三錢九分

順德府襍項銀一萬一千三百五十五兩

一兩四錢三分內除留恒山兵餉

銀七千二百四兩六錢九分實
該銀四千一百四十六兩七錢
四分

廣平府襍項銀一萬二千一百四十
七兩一錢內除恒山兵餉銀八
千五百二兩一錢實該銀三千
六百四十五兩

大名府襍項銀一萬三千六百六十
九兩五錢八分八釐內除恒山

兵餉銀八千七百四十兩九錢
實該銀四千九百二十八兩九錢

錢

延慶州襍項銀八百七十一兩七錢

六分

保安州襍項銀五百七十六兩七錢

六分

以上各省直襍項共額銀一百六

十五萬一千二百三十八兩六錢

錢四分內除獨留銀二十八

三千三百五十五兩九錢

四釐實該銀九十六萬七千

百八十二兩六錢九分六釐

一山東布政司遼鎮民運銀一十三萬

三千三百九十兩五錢原係

留島餉應作額數

一永平府民運鹽鈔銀九百三十四兩

四錢

一、運庫所積銀兩

年終

買銀三十萬兩

一、鹽課

兩淮運司新增遺餉八萬六千五百兩

十六兩三錢二分

續增助工銀

餉銀七萬八千六百一十八兩

二分

和含食鹽銀二萬三千三百

三十八兩三錢五分

續計餘銀

十二萬兩

又續引票價銀一

萬兩 又割沒餘鹽銀二十萬兩

共銀六十二萬八千五百九十三兩

三錢九分

兩浙運司新增遼餉銀三萬兩 續增

助工改助餉銀三萬一千一百三十三兩

三兩八錢三分 長興縣新增課銀

一千六百兩 新加引稅銀三千三百

兩一錢六分 共銀六萬五千七百

三十六兩九錢九分

長蘆運司新增遼餉銀四萬八千五百

八十五兩五錢 續增助王改鑄

銀一萬二千一百九十四兩二錢

山東遼餉引課銀三萬六千八百

十八兩三錢 共銀九萬八千四百

三十七兩八錢

山東運司新增遼餉銀一千五百四

五兩一錢八分 遼鎮民運舊餉

課改入新庫銀一萬三千九百五

一錢八分續增助工改助餉銀
千四百三十七兩三錢七分
票課銀三千八百三十四兩七錢
分共銀二萬五千七百二十二兩
四錢七分

福建運司新增遼餉銀一萬七千三百
六兩一錢五分續增助工改助餉
銀一千五百八十六兩八錢共銀
一萬八千六百二十二兩九錢五分

廣東提督署奏為奏請撥充廣東提督署

百二十六兩九錢七分 續增助餉

改助餉銀五千四百一十二兩二錢

二分 新加鹽課銀二萬七千五百

一十五兩九錢一分 共銀九萬七千

一百五十五兩

河東運司新增助工改助餉銀八千

百兩 續增四千兩 共銀一萬二千

千四百兩

陝西靈州鹽課司新增勘土數動

一半一百八十五兩七錢四分

以上鹽課共銀九十三兩

百五十五兩三錢四分

一關稅

花新鈔關新餉銀五萬六千兩內

一萬二千五百兩實解部銀四萬

千五百兩

湯和鈔關新餉銀五萬六千兩內

淮安鈔關新餉銀三萬一千七百兩

兩內買銅六千五百兩實解部銀一萬六千二百兩

萬五千二百六十兩

九江鈔關新餉銀四萬四千兩買銅一萬一千兩

萬兩實解部銀三萬四千兩

許墅鈔關新餉銀六萬兩內買銅一萬一千兩

兩實解部銀四萬兩

崇文門新餉銀二萬兩內買銅一千兩

實解部銀一萬兩

臨清鈔關新餉銀六千三百八十兩

蕪湖鈔關新餉銀三萬兩僅解一次尚

未如額

南京宣課司新餉銀一萬兩雖經題

准原未起解

淮安倉新餉銀一萬五千兩

徐州倉新餉銀一萬五千兩

德州倉新餉銀二萬九千八百六十兩

以上關稅共額銀三萬三千兩

兩內除留買銅銀六萬五千兩

係歷年銷算外實解部銀二千兩

七萬一千兩

以上額內襍項關稅監課等項共銀

二百八十六萬一千三百一十

八兩八錢八分內除蠲留銀三

十四萬八千三百五十五兩九

錢四分四釐實該銀二百五十

一萬二千九百六十二兩九錢

三分六釐

額外襍項

一生員優免

江西省冊報二萬三千六百二十五兩

五錢六分

福建省冊報四萬四千一百七十一兩

一錢二分

河南省冊報五萬二千九百八十八兩二錢二分

山東省冊報四萬一千四百九十二兩
五錢

陝西省冊報一萬四千兩三錢四分

廣東省冊報三萬六千四十八兩二錢

七分

廣西省冊報六千五百六十四兩三錢

六分

湖廣省冊報六萬一千四百九十九兩

五錢

四川省冊報五萬三千二百一十五兩

八錢二分

雲南省冊報八千五百二十三兩九錢

四分

南直隸

應天府冊報一千六百三十七兩七錢

安慶府冊報三千一百三十六兩五錢

四分

徽州府冊報二千八百四十九兩二錢

寧國府冊報一千一百三十一兩

六分

池州府冊報一千一百一十五兩四錢

九分

太平府冊報一千四十六兩七錢八分

松江府冊報五百六十一兩四錢二分

鎮江府冊報一千二百五十一兩一錢七分

廣德州冊報九百九十一兩八錢八分

廬州府冊報六千二百七十八兩九錢五分

鳳陽府冊報八千二百九十五兩一錢

六分

淮安府冊報二千四百七十七兩九錢

揚州府冊報四千一百五十四兩一錢

五分

徐州冊報一千六百二十七兩四錢三

分

和州冊報九百八十三兩七錢二分

北直隸

保定府冊報一萬八千六百六十五兩

五錢三分

河間府冊報一萬二千五百六十六兩

九錢四分

真定府冊報三萬四百五十七兩五錢

二分

順德府冊報八千二百二十七兩九錢

廣平府冊報一萬二千一百七十二兩

八錢四分

大名府冊報七千七百九十四兩七分
延慶州冊報四十九兩二錢六分
保安州申報一十九兩六分
延慶衛冊報一十九兩六錢二分

以上生員優免除浙江山西貴州蘇
常二府滁州順天永平尚未造冊
報數外其冊報各省直共銀四萬
六萬九千七百八十二兩八錢四
分內除題留畿南六府銀三萬五

千兩餉新兵外實該銀四十三兩
四千七百八十二兩八錢四分
題止於徵解三年計扣至崇禎
年為止

一督撫軍餉巡按公費

浙江省

巡撫軍餉銀一萬兩

巡按公費銀二千兩

巡鹽公費銀六千兩

江西省

巡撫軍餉銀二千兩

南贛巡撫軍餉銀二千兩

巡按公費銀二千兩

福建省

巡撫軍餉銀二萬兩

巡按公費銀三千兩

湖廣省

巡撫軍餉銀五千兩

駐陳巡撫軍餉銀六千兩

巡按公費銀三千兩

河南省

巡按公費銀四千兩

山東省

河道總督軍餉銀二萬一千兩

巡按公費銀三千兩

山西省

巡按公費銀二千兩

河東巡監公費銀二千兩

陝西省

巡按公費銀三千兩

巡茶公費銀二千兩

甘肅巡按公費一千兩

廣東省

督撫軍餉銀二萬兩

巡按公費二千兩

廣西省

北直

順天巡按公費銀二千兩

直隸學院公費銀一千兩

長蘆監院公費銀五千兩

真順巡按公費銀二千兩

南直

應天巡撫軍餉銀一萬兩

應天巡按公費銀二千兩

應安學院公費銀二千兩

蘇松巡按公費銀二千兩

淮揚蘇松學院公費銀一千兩

淮揚巡按公費銀二千兩

兩淮監院公費銀六千兩

以上督撫軍餉巡按公費共銀一十

五萬六百兩從前多未如數起解

近該本部復經具題申飭在卷

一南京戶部編緝事例原題銀十萬

原籍委係蘇州府松陵縣人

准咨稱每年止收銀二十五萬兩

一南京工部廬課銀一萬四千四百兩

十五兩

一贛州府橋稅一萬兩上杭縣河稅

千兩

一南雄府太平橋稅四千兩留充贛

一南京五城典稅銀二千二百一十兩

以上共額外銀七十五萬九千七百

七兩八錢四分內紹興十一年
千兩實診銀六十四萬二千七百
兩八錢四分

以上新舊加派并額內外襍項通
該銀八百三十八萬二千六百五
十三兩五錢二分一釐七絲九忽
二微四沙六塵

一遼鎮引價額銀四萬一千三百二十
六兩五分崇禎四年三月內奉

奏為請旨將各省關稅務總局

奏准設立各省關稅務總局

完日報部算抵五年海運承運

款尚未見效不便定作入數

奏為請旨將各省關稅務總局

奏准設立各省關稅務總局

奏准設立各省關稅務總局

奏准設立各省關稅務總局

奏准設立各省關稅務總局

一百四十四兩三錢

今查餉司六月分冊報實在兵馬
銀一十一萬九千一百二十四兩九
錢五分五釐除閏月不算外歲約該
銀一百四十二萬九千四百九十九
兩四錢六分又班軍增減不一照四
年分爲率約該銀七萬兩外援兵行
糧鹽菜臨期另議

山海鎮新報經制定兵餉馬乾給

銀八十九萬三千八百一十兩
每月約該七萬四千一百九十兩
五錢二分五釐

今查餉司八月分冊報實在兵馬
銀五萬一千二百九兩九錢一釐四
毫除閏月不算外歲約該銀六十二
萬四千五百一十八兩八錢一分六
釐八毫又班軍增減不一照四年
爲率約該銀一萬八百兩新調黔楚

西兵糧餉并援兵行糧鹽菜莊外
薊州鎮經制看詳未定約計兵餉馬乾
等銀共一百五十七萬四千二百四
十一兩二錢一分每月約該一十三
萬一千一百八十六兩七錢六分七
釐五毫

今查餉司八月分冊報實在兵馬正
旗銀一十一萬九千九百四十八兩
七錢九釐六毫除閏月不算外該銀

該銀一百四十三萬九千三百六
四兩五錢一分五釐二毫外召募
減不一以四年分見發爲率該銀六
萬三千兩

密雲鎮新報經制定兵餉馬乾等
十四萬八千三百六十六兩八錢
分五釐每月約該二萬六千五百
兩二錢三分八釐七毫五絲
今查餉司七月分冊報實存

銀二萬六千五百六十九兩一錢八分又新改調到秦兵援兵糧米銀三千八百兩除閏月不筭外歲該約銀三十六萬四千四百三十兩一錢六分外召買增減不一以四年分見發爲率該銀一萬兩因有駐防援兵并新調秦兵故此經制較多

永平鎮新報經制定兵餉馬乾等銀一十六萬五千四百七兩七錢八分四厘

毫銀月總該一萬三千七百八十二

兩九錢八分一厘七毫

今查餉司七月分冊報實在兵馬

二萬四千五百六十八兩一錢四分

六厘六毫九絲又新改調到秦兵餉

銀五千六百七十七兩七錢除閏月

不筭外歲約該銀三十六萬二千九

百五十兩一錢六分二毫八絲計名

買增減不一以四年分見發爲率該

銀一萬兩因有閑寧兵駐防支領塩
菜并新調秦兵糧餉故比經制較多
天津鎮新報經制定兵餉馬乾等銀一
十四萬四千一十六兩八分每月約
該一萬二千一兩三錢四分

今查餉司九月分冊報實在兵馬放
銀一萬一千五百四十六兩九錢除
閏月不算外歲約該銀一十三萬八
千五百六十二兩八錢

通州鎮新報經制定兵餉馬乾等銀八萬五千一百四十四兩三錢九分九厘三毫每月約該七千九十五兩三錢六分六厘六毫

今查挖運主事七月分冊報實在兵馬放銀一萬二千二百九十七兩八錢三分五厘七毫除閏月不算外歲約該銀一十四萬七千五百七十四兩二分八厘四毫外召買增減不一

以四年見發爲率該銀二萬兩因涿
鎮官兵在通支餉故比經制較多

昌平鎮新報經制定兵餉馬乾等銀一
十萬九千五百五十八兩三錢九分
九厘二毫每月約該九千一百二十
九兩八錢六分六厘六毫

今查餉司九月冊報該放銀一萬一
千五百五十三兩四錢除閏月不筭
外歲約該銀一十三萬八千六百四

十兩八錢外各買增減不一以四
分見發爲率該銀一萬兩因有西寧
援兵駐防鹽菜故比經制較多

開寧皮襖增減不一以四年分發數爲
率該銀二萬六千四百四十四兩九
錢

在京各衛新兵米折舊例放四個月今
以四年分折放二個月爲率該銀二
千七百一十兩

以上照各鎮經制定數歲計該銀四
百八十九萬二千零三兩五錢三
分三厘八毫

照餉司冊報寔在兵馬放數除閏月不
算外歲約該銀四百八十五萬七千
五百一十五兩六錢四分六毫八絲
其閔寧援兵塩菜布花等項在外

本色

米照四年分連閏月閔寧歲用八十七

漕運帶買遼米四十五萬石今查有直
開銷價值少不下八錢多至一兩以
外約用銀四十餘萬兩

廬鳳淮揚召買米七萬五千石每石約
銀一兩共銀七萬五千兩

充東彰衛四府真保等六府共買米
七萬三千石每石約銀一兩共銀
七萬三千兩

附開買米二萬三千二百五十二石五
斗每石約銀一兩該銀二萬三千二
百五十二兩五錢

豆連閏月開寧歲用八十七萬六千九
百三十三石八斗內

東充彰衛徐州買豆十萬石每石連

價六錢共銀六萬兩

真保等六府買豆三十一萬二千石

石連腳價六錢共銀十九萬三千兩

天津倉買豆七萬九千九百三十三石

八斗每石價銀六錢共銀四萬七千

九百六十兩二錢八分

附開買豆十六萬石每石連腳價六錢

該銀九萬六千兩

開外折豆二十二萬石每石折價四錢

二分該銀九萬二千四百兩

天津運價二十四萬六千五百八十六

兩七錢六分

天津蒔葦銀六千七百五兩六錢六分

四厘

河東運價三萬七千八百八十兩

開門冬春草價三萬六千兩

陸運腳價銀二萬六千五百五十五兩

三錢三分三厘四毫

以上米豆價值運銷庫費開列
陸運價等項本年通共約用銀
百五十萬一千五百四十兩四錢
三分七厘四毫

登島本折

已將四年分山東省新舊加派遼
鎮民運并襍項銀兩除預征三分
解部外尚該銀七十八萬七千九
百三十八兩六錢九分盡數題留

爲登撫登島本折額餉之用

以上通共本折照新報經制歲計該

銀七百一十八萬二千四百八十

二兩六錢六分一厘二毫照實放

數歲約該銀七百一十四萬六千

九百九十四兩七錢六分八厘八

絲援兵行糧塩菜布花并閏月在

外

題覆新餉入額原無贏餘疏

題爲再剖新餉贏餘之虛實以與海內催科之
邊鎮呼籲之司共見共聞事專理新餉司
該本部于本年二月二十六日會同兵部合奏
各鎮經制內計每歲本折約費六百八十九萬
二千餘兩較諸前疏新餉出數不甚見省
本年三月初四日奉

聖旨這各鎮兵餉經制既合議妥雖着永爲定額
後有增減止許於額內通融不得溢舊兵餉

乃

先朝定制其時邊備未嘗不飭今新餉會經從減度
曾無實効該督撫道將何所辭責今後遇有費心
整練務期防守甚嚴勦獲精銳如有疏虞立罪不
貸又總計新餉歲出約七百萬入額較舊二百餘
萬本色內尚有截漕卽間有意外題留災荒蠲卹
亦可按數彙算該部若能刻意綜稽詳籌裒節自
當裕藏日益國用充裕何得槩稱約畧歲額不甚
見省預爲弛卸之地南兵遊擊如議裁減通鎮督

臣另有旨旨題查內鑾字號解本內薄字訛簿改
正行欽此臣等深幸錢糧瑣屑俱已仰荷

睿照則又深愧節裕之無術而竊懼紙上之虛縻至
二百萬乃不能稍緩叅罰勉措見月其何以解
良有司之嘲而謝庚癸之疾呼也因就

明旨所云贏餘二百萬者取臣前疏及近定經制
入太數再一打筭通計省直危釐三厘灘派會
議九款襍項關稅抽課淮徐總三錢米折充餉
以及督撫巡按公費南京事務南京蘆課贛

橋稅上杭河稅太平橋稅舊與稅并生
員優免等項臣于四年十二月內奏請除去正
部分餉秦晉滇黔粵西獨留粵運東省全賦等
作入數實止八百三十八萬二千六百九十兩
兩零就四年各鎮秋冬報冊參諸總報未定之
經制并登撫留用海運召買腳價除去閭閻布
花及征調援兵外歲約出數七百一十餘萬
千四百八十二兩零出入相配尚有餘額二萬
二十餘萬可備召買海運之偶浮意外不經之

冗費奉有

明旨本內出數俟兵制確有成議還與兵部計定
本來看該兩部徃復商確較定經制計兵給餉
歲該本折銀六百五十二萬二千有奇原除截
漕十三萬石在外尚有班軍塩菜關寧皮袄海
陸運價歲約三十七萬兩合諸蕭疏出數實不
甚省乃

明旨赫赫謂新餉入額較贏二百餘萬餉得預爲弛
卸之地臣不勝跼蹐無措緣臣蕭疏入數出數

俱合筭東省全賦在內而蠲免蠲銀經創案類
出數未及登島留用出數故率請蠲銀數八百
三十八萬二千六百九十餘兩輒覺多者十餘
萬蒲盤乘除畢竟以臣前疏所稱尚餘一百萬
十餘萬者約畧近確也恭繹

明旨云意外題留災荒蠲卹亦可按數彙算臣查四
年分業已除去蠲留各項未并然有四年蠲留
而五年停止者有四年蠲留少而五年蠲留多
者就五年分正課項并計陝西留用十五萬兩

四川需用一萬兩黔餉多分去五萬一千餘兩
分楚餉滇銀一萬四千兩則前項一百一十萬餘
萬之中又已減去二十萬五千餘兩矣雖明歲
未可預料而見在業已扣除南京事例原撥十
萬爲紓近聞每歲不過四萬雖累歲移催而近
止解二萬卽令盡數全解尚欠六萬况未必全
解也生員優免原議解足三年卽止今卽有報
而未解解而未足甚至冊亦不報者臣部見今
儘力督催然屈指月日則優免之期已近矣是

優免額內四十三萬餘兩等語。竊以消索則奉
數真未可恃也。東省移轉近戍望梅叛兵未戢
姑且作出數論。而薊門勦叛。還行糧鹽。廢天津
水兵之本折備用。關寧新增之補。倉監費種種
意外。惟恐期會。或後者層見迭出。是能籌數米
而炊乎。况節年借用過漕折輕賁。尚欠四萬餘
萬呼索日甚。陸續措補。皆應于額內取給。則出
數真未可必也。雖然。臣部往以督過過當。不見
信于省直。如督撫軍餉。巡按公費。并四駁減強。

半未有觀辦而南京之蘆課宜課審直之蘆課
橋稅舌微額充僅乃得之尚亦不能刻蠲之
今幸

皇上責臣以刻意綜稽詳籌衷節臣自此一番
愈堅一番商駁彼督撫按及南部皆直請臣
必知臣部少一分則缺一分之額而諒臣年
硯硯爭執向復數數聒催益誠有萬不得已者
也故不避煩

實再爲申明使海內共見共聞信新額出入大數實

是如此惟

聖明鑒垂申飭焉

崇禎五年三月二十六日具

題四月初十日奉

聖旨錢糧入贏於出就中量有增減亦可數計前在
甚明據奏額徵難繼增費漸繁但兵荒暫艱蠲
等項原非歲以爲常卽如東省用兵事平蠲
賦虧欠考成非苛一切贍贖捐助亦多溢額
但須釐耗剔蠹酌盈濟虛務使無缺以備大用

必但陳艱苦及以共見共聞等語預行簽卸

新餉司郎中劉

鑑訂

原缺

覆關城建廠并議增運價疏

題爲海口積貯非宜鎮城創廠當亟併祈議增海
運腳價直輸關庾以杜外患以固軍儲事專理
新餉山東清吏司案呈崇禎四年閏十一月二
十八日奉本部送戶科抄出關內餉司劉孔敬
奏前事內稱歷來餉司因南海口倉廩不足糧
多露囤洩瀾堪虞曾有添建廠房之議臣今量
時度勢熟思審處以爲添建之南海口不若新
建之鎮城中度地平廠處肇建廠房二十座約

計房一百餘間每歲三運糧料隨到隨運入鎮
城從容輓輸既省臨時僱車覓贏萬般拮据之
苦而日積月累如崇如墉又可以壯軍士坐甲
守陴之氣誠爲保圉儲精之長算也但倉廩肇
創物力人工爲費不貲查前任林餉司有扣存
節省銀二千兩現貯管閑廳庫又議乞分班軍
伍百名供一切採備燒造之役動支節省銀兩
每日給以應得塩菜若錢糧不敷更於庫貯節
存銀兩量行動支應用以完斯局獨是辦買木

植一項詢之本鎮耆民僉云昔年夷虜未訖凡有興作皆採買於義院口外山木龍筵足以供用近因邊塵騷紂嚴內外之防將義院口已柴柵斷阻勢難採買故榆關木植鮮少如欲鳩材必須多方覓處雖有南海口舊倉東西列第歲久物力耗損存之猶覺儼然數楹拆之皆成棄朽亦無益于新構之資卽磚瓦一項開門亦無現成須俟春融冰泮方可掘土托坯建窑燒造俱非一蹴所能立辦然及今不議建則年復

一年愈無成就之日至倉厥旣建之鎮城矣則
海運米豆盡宜輸之鎮城乃鎮城距海口十七
里而遙若不議增脚價何以爲馱載之計查天
津船戶舊例有上倉脚價銀一分合無于天津
運開之日權量程途再增脚價一分五厘共銀
二分五厘給令船戶搬運直交鎮城倉內尤爲
長便等因本年閏十一月二十七日奉

聖旨該部酌議速奏欽此欽遵抄出到部送司相應
議覆案呈到部該臣等看得米豆關軍興亟需

露積誨寇誠非長計前虜警議運倉卒輓載以
斯知建厰鎮城爲永賴之利也前餉司林玄倡
議未就今據餉司劉孔敬所稱林玄任內原有
扣存節省銀二千兩見貯開庫可爲工料之費
度建厰房二十座約計百餘間所費木植磚瓦
除南海口舊倉頽爛不盡堪用外須採買十分
之八九其價值固可于節存銀內動支銷算又
議分用班軍五百名以備採辦燒造之役每日
卽于貯存銀內給以應得塩菜倘所貯二千兩

不足或于該餉司存留銀兩量爲請支仍將支
過銀數造冊報部以便稽核大約寧費而堅毋
省而竄則省試者之責也寧實而核毋虛而冗
則銷算者之責也惟天津海運舊卸南海口今
欲改運鎮城其添價固不待再計然陸運僅加
十里頓增一分五厘似爲太浮又當行令津部
酌議妥確務期可久者也至于餉司職止餉務
一切鳩工卜基採辦督查勢必藉力撫道兵餉
一體想撫道諸臣自當身任力行聿觀厥成矣

既經具題前來相應覆

請恭候

命下臣部移文各衙門遵奉施行

崇禎四年十二月初八日具

題本月十一日奉

聖旨這鎮城建廩動支貯銀分用班軍等事卽著該撫鎮道會同監視計議舉行仍查核糜冒督稽工
作務期堅整早完有裨積貯其量增運價依議著
天津衙門確酌具奏欽此

覆薊遼督撫議免寧遠四年分屯稅疏

題爲屯法已行奴隲適至懇恩暫賜題免以蘇窮困以造巖疆事專理新餉山東清吏司案呈崇禎四年閏十一月二十三日奉本部送戶科抄出薊遼總督曹文衡題前事內開准遼東巡撫今陞南京太僕寺卿候代戴罪丘禾嘉會稿崇禎四年閏十一月初七日據寧前道兵備僉事陳新甲呈前事本年正月內案蒙本院憲牌仰道議舉開外屯田復舊起科等因已該本道備

將遼地徵課緣縣通詳閣督撫按當蒙會題該
戶部于本年三月初四日具覆本月初六日奉
聖旨這遼左屯田事宜依議責成該管官文明督墾
起科克餉如有占阻違負罪坐所縣爾部向苦餽
運凡地方有生節錢糧俱要登奏明白彼抵此銷
毋得重疊開除首滋虛冒欽此隨蒙本院開院案
驗仰行本道轉行各屬將見在屯地選委廉能
職官履畝踏勘不拘官生軍人照戶編查分爲
上中下三則因地起租以克軍餉扣抵海運本

色額數每年終將收過米豆造冊呈報以便咨部

奏繳各等因蒙此該本道遵卽轉行三糧廳通判李茂根等會同寧前寧錦右三衛指揮徐天眷等千戶魯可元等逐一丈量地分上中下三則照例給繇起科已據寧糧廳冊報地四萬八千七百九畝五分前糧廳冊報地五百五十九頃五十二畝五厘錦糧廳冊報左中二屯地二十萬一千六百四十畝五分大約歲終可得穀二

萬五千九百石零豆一萬四千八百石零方刊
發繇票已經久緒俟秋成收割催納入倉不意
八月初六日奴馬圍困大凌前鋒一帶以至松
杏盡以資奴卽中左稍遠又穀芻皆生虫蝗蝻
食過半帶青收割穀且爲漿不堪夙飽今奴跡
暫遁據寧遠衛圍城官生舉監軍民姚允中等
前屯鄉民何樞等各告懇轉達題免等情到道
呈乞本院會請將本年之課暫行蠲免等因到
院該職看得天下物力盡竭于遼西片地屢任

以來仰體司農匱詘議復塩屯圖補涓滴業奉
旨丈量歲計可得穀豆四萬七百餘石不意秋成未
熟封豕潛窺始遭旱魃爲灾復繼犬羊蹂躪遠
者盡以資寇近者帶青而芟兵荒荐至饑饉頻
仍哀此輦黎救死不贍安能稱貸以供歲課乎
職等目擊時艱不得不爲代控伏乞

皇上軫念巖塞遺黎

俯允職請將本年秋科暫行蠲免容來歲收成再議
庶軍民咸有起色益感

皇仁浩蕩于靡涯矣等因本年閏十一月二十一日
奉

聖旨戶部知道欽此又該邊撫丘未嘉會題前事同
日奉

聖旨該部知道欽此欽遵抄出到部送司相應議覆
案呈到部該臣等看得遼西屯種漸有成緒不
意奴馬西犯我兵先爲清野之謀收拾未盡者
亦復遭蹂踐以資寇卽中左一帶距敵稱遠又
皆旱蝗爲災約計起科穀豆四萬七百餘石秋

成在眼屈指爲遼兵口中食而一旦不熟如該
督撫所請者誠

天人偶沴非屯之不效也蓋我師失利人心皇皇雖近
關地方亦有不便再爲催科以重其愁苦者誠
應如督撫議四年歲課槩與蠲免以示招徠優
恤之仁春作方興耕耘及時所爲設法勸種以
圖嗣歲之豐稔者該督撫道將當必不遺餘力
以虛地利矣旣經具題前來相應覆

請恭候

命下臣部移文各該衙門遵奉施行

崇禎四年十二月初八日具

題本月十一日奉

聖旨是欽此

覆張燾島兵抵登增給全餉疏

題爲皮島援兵盡漂南岸恭報請

旨調集發行事專理新餉山東清吏司案呈崇禎四年十二月初六日奉本部送戶科抄出登萊東江等處巡撫孫元化奏前事內開該臣案查本年十月二十日接鎮臣黃龍塘報謂九月十八日見臣調兵手本於十九日發張燾督兵赴旅順合營發邵國祚熊國徵督兵赴鴨綠江偵擊該鎮同各將督兵刻日前進此後杳無音信至

十一月初十日始有張應呈報臣一面奏

聞一面督發肅凜凜軍令撲命逆風究竟颶漂八角
口半無下落此島兵也衣裝不周器甲無備以
之禦賊固危以之禦寒更苦而況以禦波濤臣
實憫之至邵國祚等兵原在獐島江水損船西
移就泊臣見國祚稟報令赴旅并營而方及小
平島亦颶南岸至今零星離散尚未成營再有
鎮標營兵原屬叅將王良臣與邵國祚兵同出
援島良臣至島敗管右營而標兵遂屬他將此

將亦爲部卒所辱兵遂回登今亦半至通計三
營兵二千六百餘員名今已至者一千三百餘
員名其餘或沒或漂或凍俱不可知凍猶可也
漂則船失矣沒則人俱失矣臣一面行令監軍
道臣王徵差官沿海挨查招聚賑卹一面具疏
恭請

明旨此兵俱在應移之數或卽給路費從陸出關或
念陸費太侈俟凍通量給從海赴關總聽黃惟
正團練內張燾兵係半餉今衣裝損濕形色蕭

條不論西行遲速皆當以至登之日准給全餉
免其啼號亦不動支正項止於三年追回島餉
內撥給開銷如暫俟凍通則并令儉造器甲庶
得實用等因本年十二月初五日奉

聖旨該部酌議速奏欽此欽遵兵科外抄到部送司
除調集發行繇陸繇海事宜聽兵部酌覆外所
有張燾兵半餉今應否准給全餉相應議覆案
呈到部該臣等看得島兵虛設擇發驍壯以實
關寧兵不加而餉有著落葢

聖明之爲兵食計至深遠也撫臣孫元化奉

命調援而張燾等亦遂揀軀破浪不敢逗留亦足見

島兵之向化矣就中漂沒阻凍之衆繇陸而費
繇海而省事在樞部臣部未敢遙度惟張燾一
旅向係半餉據稱衣裝損濕至登之日准給全
餉此不煩擬議者况又不支正項止於三年追
回島餉內撥發開銷又可不煩添設矣旣經該
撫疏

請前來相應如議至登之日俱支全餉卽于三年追

田島餉內開銷恭候

命下臣部移文各該衙門遵奉施行

崇禎四年十二月初十日具

題本月十三日奉

聖旨是欽此

覆楚撫報解錢糧本與貼黃數目互異疏

題爲恭報起解錢糧事專理新餉山東清吏司案
呈崇禎四年十一月三十日奉本部送戶科抄
出湖廣巡撫魏光緒題前事內開崇禎四年九
月十七日據湖廣布政使司呈報委官經歷孫
學顏起解遼餉銀五萬兩業經具本題

知訖續據該司申報據臣屢次嚴催那解遵宣兩處
官兵九月分糧餉銀共五千九百八十五兩生
員優免銀一萬二千一百二十二兩二錢五分

九厘七毫三絲併給按察司經歷孫學顏同新
餉銀五萬兩一併搭解夫馬廩糧不煩再請等
因到臣據此除批令本官領解擇于九月十七
日起程赴部交納併移咨該部將援餉分發遵
宣兩處官兵外相應題報等因本年十一月二
十八日奉

聖旨戶部知道貼黃內稱九月分援餉數目與本內
異同是何緣故併查明具奏欽此欽遵抄出到部
送司相應查覆案呈到部該臣等查得本年十

一月二十一日據湖廣解官孫學顏解到崇禎
四年分遼餉銀五萬兩三年分生員優免銀九
千七百九十三兩七分零四年分生員優免銀
二千三百二十九兩一錢八分零共優免銀一
萬二千一百二十二兩二錢五分九厘七毫三
絲當卽劄令新庫查收外附解遵宣援兵九月
分餉銀五千九百八十五兩暫寄新庫於閏十
一月十三日轉發薊鎮三千二百九十一兩二
錢發山海鎮二千六百九十三兩八錢聽兩處

援兵支領訖臣部收到孫學顏所解之餉與該撫疏報之數一一相符及查該撫貼黃內將遼餉五萬兩開作援餉之數想係該省書寫錯誤且原批分解甚明實無他故者也既奉查明具奏之

旨相應具本題

知

崇禎四年十二月十一日具

題本月十五日奉

聖旨知道了奏報錢糧何得不加詳核致數目參差
還行與該撫知道書役懲處欽此

覆永平委官侵欠并議處司道各官疏

題爲奸蠹作弊最深餉務耗費可駭謹據實

上陳乞

勅撫臣嚴追究罪事專理新餉山東清吏司案呈崇
禎四年閏十一月初二日奉本部送戶科抄出
監視薊鎮東協太監張國元題前事內開臣初
至永平時奴報正急問今有餉可守乎額解若
干并解到若干見存若干部臣羅應許以到任
未久不悉也問道臣道臣王凝祚曰劉家墩有

交卸天津額糧三萬尚未運完臣謂速運至可
矣及臣與道臣同上邊道臣議親往催運臣亟
稱善勸之牲及臣歸糧米仍無據云運至料豆
八百餘石米則俱無存者臣再三求其故餉臣
始以手本移臣內開劉家墩分領委官胡時和
欠米二百八十五石六斗七升欠豆二百一十
四石一斗湯一楨欠豆四石婁榮欠米一百一
十石欠豆四百二十三石四斗一升王琰欠豆
二十三石四斗浥爛豆二百七石五斗葉有光

欠米一百四十三石八斗浥爛豆一千七十石
三斗八升金調鼎欠米一百九十三石三斗五
升欠豆一十九石五斗浥爛豆二百石五斗夏
鼎欠米七十八石浥爛豆七百石沈家駒欠米
四十五石七斗一升五合以上各委見在浥爛
豆二千一百七十八石三斗八升皆借口水淹
一而希圖混賴實則坑匿抵換詭弊無窮者也實
欠米八百五十六石五斗三升五合實欠豆六
百八十四石四斗一升則皆明明乾沒而竟置

烏有者也查對道臣揭帖數目相同但餉臣豆
欠數一百二十石三斗九升作浥爛數稍異臣
見之不覺切齒痛心夫此米此豆皆管糧同知
張織經收在官之物而致令浥爛者浥爛乾沒
者乾沒卽云海水浸壞亦經前任餉臣刁化神
責令委官胡時和等賠補而迄今竟無顆粒則
當事者何所逖責耶更可怪者永鎮有原設運
糧車二百八十輛每輛月支車價銀六兩每車
運六石五斗月運五次算至八九月卽應運完

乃經管都司金世任意不盡運致道臣撥守城
軍士往搬海岸料豆浥爛臭穢毋論腳價作何
銷算而此爛豆獨非遷延耽誤之罪乎夫東協
何地當今何時糧餉何事乃奸吏污弁窟穴其
中表裏爲奸蠹

國誤軍一至於此懇乞

聖明嚴勅撫道餉臣曾臣將胡時和婁榮王琰葉有
光金調鼎夏鼎沈家駒楊一禎等照數追賠擬
罪金世任車價不運之故仍提問銷算而楊一

積欠止四石程鶴祺名下無欠可從寬政庶羣
奸知警而軍儲有裨矣等因本年十一月三十
日奉

聖旨米豆軍中急需豈容侵渙浥爛張織金世任著
革了職併胡時和等一千人犯該撫按會同監視
提問明白具奏刁化神旣責令陪補何無嚴督羅
應許接管有無交盤及王凝祚職掌有無關涉俱
著該部查議速奏欽此欽遵行查聞又該順天巡
撫傅宗龍題爲聞警急運漕糧事內稱看得土

馬飽騰全資米豆且召買轉運費鉅力艱一收
一支宜何如謹嚴清楚乃劉家墩所貯米被奸
委侵沒者凡八百五十六石五斗三升五合豆
凡六百八十四石四斗一升而泥爛不堪之豆
又二千一百七十八石三斗八升此孰非軍命
民膏而堪此棄置也除奸委胡時和等一面批
行該道檄拏監比外若同知張織以管餉名官
漫不經心殊屬溺職自應從重降處管餉主事
羅應許任甫逾月情有可原前任管餉郎中刁

化神雖已查明行追尚未報竣爲法受過亦應
罰懲等因會同督臣曹文衡合詞具題本年閏
十一月初七日奉

聖旨這事情已經監視具疏卽著該撫按遵旨詳問
嚴追具奏該部知道欽此又該副遼總督曹文衡
會題前事本年閏十一月初八日奉

聖旨已有旨了該部知道欽此欽遵抄出到部送司
行間隨奉本部送據永平道僉事王凝祚呈爲
奸蠹作弊最深等事揭開餉司原開會實在劉

家墩未運漕糧米一千一百六十四石三升六合五勺前件會准餉司開稱查得陸運都司金世任陸續運過米三百七石五斗一合五勺有實收尚未運米八百五十六石五斗三升五合係胡時和婁榮葉有光金調鼎夏鼎沈家駒各委所欠顆粒無存餉司原開會實在劉家墩未運漕糧豆六千四十四石三斗一升前件會准餉司開稱查得陸運都司金世任陸續運過豆一千一百四十三石四斗二升有實收水運守

備朱邦華陸續運過豆一千二百四石五斗五
升有實收本道督運過豆八百二十三石五斗
五升尚未運豆二千八百六十二石七斗九升
係胡時和楊一楨婁榮王琰葉有光金調龍夏
鼎各委所欠查止葉有光金調龍夏鼎王琰開
稱存囤爛豆二千五十八石其餘八百四石七
斗九升俱係無存等因詳開揭帖具呈到部奉
批此揭米豆數頗確卽據以入疏又據差滿餉
司刁化神呈稱胡時和原泡爛米四百九十二

石二斗七合少米一百九石浥爛豆六百七十
五石九斗少豆八十四石九升程鶴祺浥爛豆
七百四十石六斗少豆六十八石八升差內立
限嚴比程鶴祺盡數賠完給有印照胡時和完
過米三百一十五石五斗三升七合止欠二百
八十五石六斗七升完過豆五百四十五石八
斗九升止欠二百一十四石一斗八月十八日
虜緊圍凌奉孫閣部速收糧料入城之檄自本
月二十五日起至十月十四日止行廳水陸運

過米豆一萬餘石楊一楨婁榮等各有經運未完該廳並未報有浥爛虧損數目職故無所據以督之賠補而羅主事十月十三日到永代職矣職交代在十月十五日該道行查在十一月十四日該廳不思收受經手悠忽不運查追無聞致海上各委米重其耗豆重其浥故王兵備羅主事詳開各官浥爛短少之數與職差內責令賠補之官之數大異也今奉何無嚴督之

明旨職在局內夫復何說但督賠之時去交代之時

通計八十日內有差期已滿閉門候代之二十
六日比時奴報星火人情風鶴法難徑行職又
代庖道務日有羽檄簿書之苦而實計已追過
批賠米三百一十五石五斗三升七合豆一千
三百六十石六斗九升止胡時和經批未完米
二百八十餘石豆二百一十餘石其如新舊之
交牌催面諭廳官玩視何哉若浥損未經廳報
未經職批之數似不能以離差一月之官代現
任張同知分過等情到部奉批新餉司查明題

覆又據接管餉司羅應許呈爲清查漕糧實數
以便責追事內開各委見在劉家墩浥爛豆二
千一百七十八石三斗八升實欠豆六百八十
四石四斗一升實欠米八百五十六石五斗三
升五合切查前項漕糧原係前任餉司刁郎中
行令管糧同知張織經驗收過之物暫寄本墩
迨至七月十八日委官胡時和程鶴祺等始以
洪水濕漲淹沒糧料爲辭希圖借口具呈刁郎
中業經批管糧張同知查報責令賠補乃各委

漫不經心既不防于未用之先又不賠于經批
之後遷延數月膜外置之及本司差官查驗復
以前情抵飾其責將誰諉乎再查撫寧洋河口
原卸漕米六千一百石五斗二升內除支運外
實存米二百七石三斗五合見在其各委名下
泡爛侵欠米豆除嚴挈賠補外本司未敢擅便
等因呈詳到部奉批新餉司查議具題通送到
司查覆聞又奉本部送該本部題爲遵

旨因奏事邊餉司案呈覆永平餉司刁化神十月內

奏報永鎮春季家丁破例本色民屯緣繇閏十一

月初六日奉

聖旨據奏永鎮冬季餉冊見役家丁不分晰上下半年之例又新募家丁破例加額既未具題復不報部何憑稽核至各倉民屯積欠爲數不少豈得以三年盡蠲俱不開報刁化神顯屬矇玩近監視張國元疏稱米豆浸浥蠹弊最深俟查明一併奏奪加餉雖支一錢額例自應畫一支過的姑准開銷以後還著該督撫查議改正遇鎮錢糧專設部科

磨勘正宜推駁詳明何云臺頭爲諸營之首舉一
以槩其餘殊非委任責成之意今後還宜悉心嚴
核不得仍前疎率取究欽此欽遵抄出到部送邊
餉司隨據刁化神具揭剖分奉堂批新餉司卽
于監視米豆疏內查議併覆奉此相應通查一
併分別議覆案呈到部該臣等看得永鎮召買
維艱津運米豆顆粒皆珠也乃奸委胡時和等
借海漲爲逋負之端而管糧同知張織輕聽寬
徇不能蚤結賠補之局則有難爲本官解者臣

據其呈詳道司與近日移會申揭中參差情節
一覆按之如胡時和程鶴祺原報浥爛獨多餉
司取有認賠結狀是矣何以程鶴祺而胡時和
永盡賠也如楊一楨丁元王琰等廳詳或報苦
蓋嚴密并無浥爛或報大囤俱好小囤少濕已
責令搬晒如沈家駒原報無名乃兵道王凝祚
所申開會手本則稱劉家墩浥爛米顆粒無存
浥爛豆尚囤二千五十八石餘豆八百四石零
無存何以浥爛名數較前廳官詳報認賠之名

數未免異同又何以米獨無存而豆有存不存
耶想前此該廳之盤驗未必盡確後此該廳之
發運未免耽延故米日重耗豆日就涸墮奸委
之雲霧而不覺耳在張織情雖無弊過則難寬
若原任餉司刁化神批追有該廳之呈詳勒完
有程鶴祺已給之印照其不能照原詳督完者
止胡時之米二百八十五石零豆二百一十
四石零而餘則意料所不及也又查批追在七
月二十七日八月卽有凌園之警人情風鶴九

月政當候代之時廳委玩弛卽屢督有檄實不能得之該廳然旣係餉司自不得不爲餉受過雖管糧自有崇官而罰俸三月示警將來亦難曲恕若王凝祚監軍奉有

專勅親驗發覺原不敢辭勞怨羅應許新任僅匝一月米豆浸濕在先且劉家墩遠在百六十里交盤時止照委官循環親填實在數目似當仰徵寬政者也至於臣部遵

旨回奏一疏該邊餉司案呈覆刁化神十月內回

奏永鎮春季家丁破例本色民屯緣繇奉

旨一併查明奏奪臣何敢隱徇惟是在外餉司止照
本月支放數目報部而于分季增支民屯拖欠
之始末未見一一詳載冊中在內餉司却按歷
來支放成規覆奏而于分季增支民屯拖欠之
始末無從一一對証致煩

明旨切責其實舊餉則例春夏二季爲上半年秋冬
二季爲下半年冬季餉冊而責以不分上下半
年此書役一時之悞而臣部未及詳正刁化神

固有所不受乃若均一家丁而新募突加一錢
在該餉司以爲兵部題定經制該道詳允掛支
矣但查經制未經臣部會議題

允且該道議加時亦未與聞臣部臣部之駁自不容
已然餉司照該道之號該道照督撫之詳當時
不一題明者似彼時督撫之悞而未可以責餉
司也民屯積欠該餉司回

奏疏稱任內經手原無拖欠止二年分查出積欠
數目已于二月內詳揭臣部除各州縣查明應

銷米豆草束外陸續追完過米一千四百九十
餘石豆九百餘石草一萬四千七百餘束已完
者按月支放入冊

奏報未完者或戶丁盡絕或流徙未還候臣部題
奪此其語意原甚明晰但春季冊內未詳載原欠若
干今追完若干以免駁查此則該司之偶疎而
非敢有心朦玩者也查得該餉司刁化神先任
山海餉司當虜騎內犯之時鎮靜詳明爲諸鎮
冠適永平初復再設餉司本官報滿得代未及

四部臣爲殘鎮擇人題令就近赴任本官不避
勞險毅然經理多方撙節蓋有志封疆之事者
就米豆一節言原無蠹弊而督貽未完罰例終
難曲脫就四

奏一節言似有簡畧而款項分明情罪未敢妄加
惟

聖明垂察而矜容焉經督撫監視諸臣具題併各
該司道具呈前來相應覆

請恭候

命下移文各該衙門遵奉施行

崇禎四年十二月十二日具

題本月十七日奉

聖旨邊鎮設立餉司專職軍需重寄向來乾沒揀和
奸弊多端剝軍悞邊深可痛恨刁化神任內經管
糧料竟不查驗督追以致虧額數多直待摘發乃
以候代離任支辭抵飾著革了職該撫按會同監
視勘明有無通同侵染情弊奏奪王凝祚羅應許
漫無稽核職掌何在都著降一級照舊管事爾部

餉饋每苦匱乏弊發棧多庇徇殊非奉法急公之
誼該司官姑不究張繼等遺著嚴催追覈具奏欽
此

覆西協監視條議兵餉四款疏

題爲仰奉

明旨用竭愚衷敬敷條款懇乞

聖裁採擇施行事理新舊兩餉司案呈崇禎四年
閏十一月十三日奉本部送戶科抄出監視薊
鎮西協太監都希韶題前事條議兵餉事宜緣
竊本年閏十一月十一日奉

聖旨軍兵餉足械精關隘器設人備方資捍禦至哨
虜損失可原代糧姓名宜改援兵歸伍商價隨給

俱於邊備有裨節希詔既奉命監視豈得不行舉
勅該部通行看議具覆欽此欽遵兵科外抄到部
送司除選兵備隘置器哨虜及援兵歸伍監視
舉劾諸款事宜聽各該衙門議覆奉行外所有
事關餉務四款相應摘覆案呈到部該臣等看
得薊門一帶逼隣虜衝例以匹馬不入爲上功
則優恤營路料理本折以綢繆萬全誠不可不
深籌者內臣鄧希詔所條利病得于目擊如議
京入衛兵餉議禁潮銀議清頂替議給運價皆

臣部職掌謹一一酌覆恭候

聖明詳擇焉

計開

一各鎮入衛軍兵多有鶉衣菜色單弱不堪者究其故皆泣訴本鎮月糧止供贍家之費而此處防守月糧每人月支塩菜銀六錢米四斗五升而已臣思此輩寸絲半粒尚難支吾一步一退手足無措豈能蹈厲鷹揚折衝蛇

擊以騁超石投距之能平所當撫字
惠施賈其血氣之勇堅其忠義之心
使人人皆爲干城而後可也

前件查得入衛邊兵舊例徵調慣戰之
士借其勇敢以資敵愾每月給行糧
米四斗五升塩菜銀六錢此舊例也
嗣因承平遂停塩菜止給春秋犒賞
皆在舊餉開銷其坐糧月餉仍于原
鎮支給後并入衛亦革自己巳虜倣

後始復入衛之制臣部于本年二月
內覆總督張鳳翼疏仍照舊例給與
行糧鹽菜以示鼓舞但援兵每日鹽
菜三分而衛兵止每日二分不無垂
涎希冀之意此巡視內臣所爲代請
也當此封疆多事似當量從優厚但
薊鎮亦有入衛之兵不便異同且一
增後不可復減合再移咨查議或行
酌恤姑俟虜氛少靖仍遵舊例亦未

爲不可也伏候

聖裁

一協屬軍兵見領餉銀間有潮砂元寶每
兵有月食一兩五錢者有食六錢者
未免逐名派徵一經錘鑿錠折三四
五錢不等則奸歹通計雖曰一名所
虧不過六七八厘顧其錙銖爲較敢
怒不敢言語云怨不期深淺期于傷
心蓋緣有限之命脉無怪乎心口之

嘖嘖耳臣目擊損則兵受之而益則誰受之耶此徵輸之弊不待言矣伏乞

天語叮嚀戶部嗣後凡收外解之時細行看驗俱要足秤足紋毋徇豁墊倘得釋憾於窮軍戍卒未必無小補於邊陲也

前件查得省直解餉歷來驗收進庫按月割給委管銀色高低監督任之自奉

自改爲兌支而銀匠與各領自向解官面兌司庫者
但一看驗平準而已今議有潮砂元
寶有司催徵誰肯以此收誰敢以此
解其爲解官改傾無疑夫銀匠旣與
委官同兌銀匠固難辭責而委官亦
難卸咎且解官弱者暗有使費卽委
官亦不言解官黠者明有低潮銀匠
亦未敢問今後責令監督官嚴諭銀
匠精爲簡選不得過爲刁難如果潮

砂卽稟總理內臣驗換究懲可也伏
候

聖裁

一協屬軍兵多有乙頂甲伍身張姓李以
互不更至若點唱其名每每含糊答
應疑爲影冒訊之果係代糧積習不
係實姓真名卽問何不告改云無使
用等語情理或然而官目虛冒之情
亦得以假混其間殊非克實之法乞

勅督撫鎮道諸臣嚴檄各該營要弁痛革頂換陋規
亟將前項軍兵差別姓名一一查明
更正席官杜假冒之蔽軍絕影替之
端矣

前件查得新兵較量技勇審註籍貫而
後入伍卽事故募補亦須更名解驗
始得造支此定例也乃亦有逃亡事
故恐致截日開糧解補勞費輒與中
千等官商通私自頂替甲冒乙伍答

應含糊職此之繇今方詳核經制考
定營伍若令代糧不更姓名冗濫當
復何極合無下令俱令自首改正限
以三日事竣以免遲延需索之弊以
後逃亡事故俱令開根選補再遇查
點含糊年貌不合者卽係私頂私替
從重究治仍追從前領過月餉則伍
有實兵而人無越志矣伏候

聖裁

一本協乞運倉米商役必先運到若干方
給腳價若干原係隨運隨給嗣後相
沿羈待甚至候領之苦遷延時日難
俟河清種種艱費致罄家產其不捫
心抱憾者有幾也竊思皆我

聖明之赤子何忍立見其斃合仍隨運隨給使商役
無虧乞運無礙庶爲公私兩便

前件看得乞運漕米運到方給腳價蓋
恐領價到手花費侵尅以致車夫逃

匿追比不前反稽軍糈耳今議隨運
隨給以恤商委亦在可行相應行該
餉司每遇它運量定道里派定石斗
將應給腳價運完若干卽行給發若
干不得稽延庶商委無守候之苦漕
米無掛欠之虞案伏候

聖裁

崇禎四年十二月十二日具

題本月十四日奉

聖旨入衛兵餉還行該督撫從長確酌其餘三款依
議著實飭行欽此

覆中協監視請發營路壓欠餉銀疏

題爲亟發餉銀以濟邊軍寒餒事新舊兩餉司案

呈崇禎四年十一月二十九日奉本部送戶科
抄出監視薊鎮中協太監王之心題前事內開
查各路所開冊報有一二月無餉者如中協灤
陽營及標中營標右營是也有三四月無餉者
如李家谷董家口松棚馬蘭是也五月無餉者
太平路是也臣以時值隆冬寒枵可憫因詢薊
州餉司而餉司以爲大部未發又聞大部止給

見月其歷壓非所經手今軍餉壓及四五月餘此輩不能爲點金之術以資生用皆典衣負債以延旦夕何怪其丐形力怯不任戈矛也伏乞聖明軫念邊計

勅下戶部將累月壓欠兵餉那借速發等因本年十一月二十七日奉

聖旨閑薊餉銀該部每稱按月措發如何至壓欠數月又各路所欠月分不等是何緣故著查明速奏欽此欽遵到部送司查得中協灤陽營兵丁原

有萬曆十一年題

准加添兵部馬價銀三千六百兩增入薊鎮額餉之內前該鎮餉司呈稱兵部踰年未發今查八月所報餉冊開新餉兵丁戴三才下二百七十五名九月冊報遂開四百七十一名俱改食新餉標中標右二營向皆舊兵前七月內該薊撫操合新舊改設兩營本部駁令再議亦已經支新餉查新餉按月給發原無壓欠想以改撥未久故支餉未盡完也就中舊兵及各路口俱食舊

餉薊鎮舊餉每年額該三十一萬五百五十三兩六錢四分每月發餉銀二萬五千八百七十九兩四錢七分自崇禎三年起至四年十一月終止俱按月給發止崇禎二年以前該鎮報有壓欠未補前六月內據餉司李雲衢申報共欠銀二萬二千一百五十六兩四錢五分一毫見在措處劄發案呈到部該臣等看得薊鎮新舊錯雜營路紛紜加以抽調更置月異而日不同以故臣部見爲無欠而餉司猶稱不足者以部

發照見月而兵士籲找補部以出庫之日爲發
數而兵士以到手之日爲給數故未免參差也
如監視內臣王之心所云灤陽營標中標右營
一二月無餉查灤陽營舊兵原食兵部之餉近
改新餉而標中標右則七月中薊撫新設更調
改食新餉者雖臣部駁議未定而亦已經支新
餉矣今查薊鎮九月餉冊他營皆支九月分而
三營始支八月分則監視所云遲支一月者是
也想以改撥未久故未能與他營畫一耳該鎮

新餉近日十一月分業已發完合鎮通算似止
壓支一月而其餘無欠矣若李家谷董家口松
棚馬蘭太平路俱以舊兵食舊餉而新兵或間
一有之崇禎二年以前相沿已久積有壓欠則
所云內部止給見月者亦就見在壓欠言之而
不知壓欠之繇多漸少不可謂臣部全不照管
也今查薊鎮九月餉冊李家谷舊兵連支六月
七月董家口新兵支八月舊兵支七月松棚路
舊兵新兵俱支七月馬蘭路新兵協兵俱支九

月舊兵連支五月六月太平路新兵支八月舊
兵連支六月七月則見在陸續補給之明驗也
今議再補齊足以免不平之鳴亦是正格惟是
外解不至措處無策合無將此舊欠二萬二千
餘金分作四月卽于十二月正二三月內每月
各補五千五百兩運發該鎮陸續支給以塞從
前之缺額則葛藤斷而銷算清矣監視疏云所
欠月分不等實坐此故而臣部薊鎮舊餉欠數
實止二萬二千餘兩曾經餉司結算已明似無

異議者也伏惟

聖明垂察既經監視內臣具題前來相應查覆恭候
命下臣部查照遵奉并移文該餉司遵奉施行

崇禎四年十二月十二日具題本月十四日奉
聖旨兵分新舊餉有定額灤陽標中右等營何故俱
改食新餉著該撫奏明至李家谷諸路監視疏稱
欠餉三四五月不等該部又稱陸續補給僅欠二
萬餘金是何內外呼應懸殊還著該餉司詳查明
白具奏不得含糊支抵致誤急需欽此

覆江西安福縣加派不均疏

題爲因新派之

明綸顯舊派之積弊乞

聖明勅下撫按徹底清查以廣

皇仁事專理新餉山東清吏司案呈崇禎四年十月

二十八日奉本部送戶科抄出吏科等衙門給

事中等官鄧英等奏前事內稱臣邑安福夙稱

山縣山多田少前奉

明旨每畝加派九釐近奉

明旨又每畝加派三釐煌煌

天語在遐陬小民誰無終事急公之念有派卽輸不
敢復問乃日接臣邑父老公揭則所派數有大
可駭者查臣邑賦役全書上下則田及花麥地
塘共六千六百五十二頃六畝有奇以每畝三
釐規之今年所派恰如其數爰執新派之三釐
還覈之舊派之九釐不過三倍每歲止應派銀
五千九百有奇何以前此歷年俱多至九千一
百三十九兩九錢有奇也則照

欽定每畝九釐之數每年溢徵三千一百五十三兩
有奇經今十餘年多徵幾三萬五千兩矣使年
年如數解部已非

皇上寬恤民力之意其在小民猶爲奉公如臣邑加
於額外使他邑減於額內則苦樂不均而吏胥
之高下其手必非無故而然者又如他邑未減
而臣邑獨加則此三萬五千金錢小民所忍凍
餒而輸之者不徒以飽奸胥之腹乎伏乞

勅下本省撫按通將前後新舊加派徹底清查要見

某邑何故畝少派多某邑又何畝多派少中間
吏胥有無奸弊其從前徵過銀兩作何下落如
未解部應否追究此後務要欽遵

明旨自崇禎四年始以新加三釐合之舊加九釐通
算一分二釐照畝派徵無私增減則臣邑子遺
頃出湯火之中沃以清涼有不頌

皇仁而祝

聖壽哉况或因臣一邑徧飭各省凡有錯悞悉行改
正則冰

皇上再造者當不獨臣邑之一隅也等因本年十月
二十六日奉

聖旨該部知道欽此欽遵抄出到部送司隨即呈堂
於十一月初五日咨行江西巡撫并咨都察院
轉行該省巡按御史通將前後加派徹底清查
要見某邑何故畝少派多某邑何故畝多派少
中間吏胥有無奸弊目下應否別有更正從前
徵過銀兩曾否盡數解部逐一查明咨覆以便
具題等因咨行去後但恐不能如期咨覆有稽

前件相應具題行令該撫按徑自查明回奏案
呈到部該臣等看得加派一節照畝照糧所見
不同卽一省之中言人人殊故前此起科之後
未免爭持臣部新加三釐照畝照糧不主一例
聽各省直自便

皇上又嘉意民隱有地方委實災疲勢難再加者許
撫按奏

請之

明旨故一時翕然不甚費駁議今據科臣鄧英等所

奏安福縣加派不均之狀因新加三釐而後知
先加九釐有偏重之弊也臣反覆思之不得其
故以爲前者照糧使然而今何以不照糧或謂
今者照畝使然而向何以獨不照畝至使溢額
三千一百五十三兩有奇何以平輿情而示公
普也其爲吏胥之影射與隣邑之均攤皆不可
知臣部亦難遽度伏祈

勅下該省撫按備查當年起徵之初作何派法其與
今日新加之例何故不同中間是否偏枯有無

積弊合省定額固未可輕減而一邑偏重亦有所難堪要於虛公衡量務使

國計人情交得其平可矣既經具題前來相應覆請恭候

命下臣部移文該省撫按查奏施行

崇禎四年十二月十二日具

題本月十六日奉

聖旨著該撫按確查具奏欽此

覆東協監視請發川貴兵餉疏

題爲防兵索餉至急部發耽遲至甚懇乞

聖明嚴勅該部星夜發來以濟飢軍以保巖疆事專
理新舊二餉司案呈崇禎四年十二月初九日
蒙

御前發下紅本東協內監張國元題請川貴兵餉緣
繇奉

聖旨兵餉按月速給屢有明旨據奏十一月至今俱
未解到是何緣故著一面卽刻措發一面查以前

發過月分數目日期及解官職名明白速奏戶部知道欽此欽遵到部送司相應查奏案呈到部該臣等看得薊遼防援兵馬月餉原刻不容待況永平當殘破之後米珠薪桂臣部尤切庚癸之慮惟是調撤不嘗預奏之期不及先爲知會如蔡裕所統南兵二千餘名原係駐防中協十二月初六日始准薊撫傅宗龍咨開蔡裕官兵二千員名駐防永平則十一月閏十一月餉銀前於薊鎮奏發其曾在薊支否臣難臆決查永鎮

閏十一月餉因寧兵調撤秦兵汰回共題發餉銀二萬三千三百三十七兩八錢八分十二月
初五日劄發一萬兩委官夏柄寅領運止欠二萬三千三百三十餘兩今以蔡裕兵二千員名計之該增廩餉四千餘兩又薊撫咨開調赴永平者尚有三屯標後營一千名三屯標前營一千六百名團練中前營兵八百六十餘名團練中左營兵六百八十餘名以在薊食糧則例算連蔡裕等共該廩餉塩菜草折銀一萬二千八

百七十三兩內臣疏中雖未言及而臣部照數
派餉業於初十十一日劄發銀二萬六千二百
一十兩二錢八分委官陳夢吉等領運已完永
鎮閏十一月之額矣仍于薊鎮閏十一月分撥
減則薊永餉額俱已清楚至十一月分永鎮原
題二萬一千六百六十兩一錢八分查十一月
三十日發銀二萬兩委官丁啟陽領運閏十一
月十三日找發一千六百六十兩一錢八分又
發新調秦兵十一月餉銀六千九百三十七兩

七錢委官夏柄寅領運已經初十日具疏

奏繳訖再照永鎮閏十一月該舊餉銀二萬一千三百八十四兩二錢零除該餉司冊報空月還官銀二千一十五兩九錢七分今于本月十一日找發銀一萬九千三百六十八兩二錢五分三厘給委官陳夢吉領運以完閏十一月之額又補發五六七八等月欠下餉銀一萬四千七百三十一兩八錢零同日給委官丁啓陽領運臣竊計內臣拜疏之日實欠閏十一月分一月

附者其易陳難施大聲疾呼內臣亦自有不容
已於代額者但外解不至五日

御覽冊內昭然難遁臣等唯有委曲措處以勉塞邊
鎮之叫號而已既經具題前來相應覆

請恭候

命下臣部移文各該衙門遵奉施行

崇禎四年十二月十三日具

題本月十六日奉

聖旨既稱月餉刻不容待何故愆期不發直待奉旨

查催始于初十等日指給找補顯屬泄玩豈得以
外解不至爲辭還着該撫監視查明解到日期具
奏該司官姑不究欽此

議招練等兵餉則例疏

竊爲大帥出圍遼西有恃敬陳安撫防禦事宜仰
祈

聖裁事專理新餉山東清吏司案呈崇禎四年十二
月初三日奉本部送戶科抄出原任遼東巡撫
今仍以原官巡撫山永候代丘禾嘉題前事內
稱該臣於閏十一月十八日抵前屯候代隨將
黃惟正招過遼丁五百併該將內丁三百合臣
以樞輔所募驃武營抵換遊擊黃得功所統東

江一千二百已足二千之數矣其昌兵三千見
出關聽臣挑選通兵在關亦已差人調其騎兵
二鎮俟選完除將老弱不願者發回身報外其
登兵亦已到關惟是夷人非有投降無處可募
臣與該將一面設處仍招向日降夷東伴等第
恐本夷因我逐去或投奴或投插不可必得耳
通昌馬甲器械合之部議果能如數給發而島
兵來歲四月一二揚帆而至一年之間便成勁
旅第登島通昌各有見餉而新招二千除今歲

取用於凌園三個月存銀一萬二千之內來歲
當取於何處可不早計乎臣於錦州頗得夷丁
之濟部議招練三千深爲得策如其招足此餉
又當取之何處也且今關內缺額所以難補者
以薊遵行月塩菜兼支每丁嘗至三兩故人多
投去我之主兵旣戀而不回他處客兵又樂於
爲客而不肯爲主以內地若此邊外時時臨敵
安得不有奢望乎則一應行糧塩菜似當以次
漸減漸裁通度支之窮爲衝地之用或亦計之

得也敢因議招練而併及之等因本年十二月

初一日奉

聖旨降夷旣逐復招必有姦狡乘機投間這議募夷
丁不必行其新招兵餉着該部酌處援防客兵前
有旨確議補併以省糜冒如何未見回奏該衙門
知道欽此欽遵兵科外抄到部送司相應議覆案
呈到部該臣等看得招練一營兵部初議原以
補關門缺額查山海經制額設官兵四萬四百
五十一員名見在官兵二萬八千一百二員名

聖旨責惟正招練營原議屬開撫何又請酌定通昌等兵原議補缺額何又稱增兵丘禾嘉旣稱開門缺額難補該部又稱陣失額兵近報陸續募補是否確數前面諭戶兵兩部當同心商確又奉有通長打算詳議酌妥之旨如何全不祇遵卽本內事宜漫無關會惟逐事呼籲苟支目前此豈實心休國協恭幹濟之誼還着速遵前旨令議具奏該司官著降一級管事該部知道欽此

覆武進士陳值等條議除領糧勒費疏

題爲

聖恩隆渥難報武臣跼蹐難伸直陳沿邊積弊懇破
賞格定體統慎選練以光

盛典以重封疆事專理新舊二餉司案呈崇禎四年
十二月初五日奉本部送戶科抄出武進士陳
值等奏前事條列邊弊八款內一款曰領糧之
費勒當除夫

朝廷設戶部于各鎮不過欲其總核嚴而軍得實惠

耳茲則戶部書辦頂首買至一二千兩限定領銀若干額規若干先送額規方許掛牌本管將官差中千往領必帶家丁四五六人如額規不送候至半月二十日斷不發兌及中千趕回管中求本將或本道書帖往返是又幾時矣計日逐所費與規禮所需初則中千賠應終則軍糧扣除更兼每兩定短三分或五分謂之庫折及至給散勢不能不短少而兵卒又譁然起矣爲將者柰之何哉此鎮鎮皆然也等因本年十二

月初三日奉

聖旨

制文武金重况邊疆專倚將士豈容挫抑培尅備諸
不堪以致邊事日壞貽禍無已深可痛恨若不大
破嘗格力矯積弊優恤鼓舞何以精兵足餉飭備
固圉這秦內各款著該部確議條飭速覆欽此欽
遵兵科外抄到部送司除申飭迎送防閑府佐
禁止遊客調停文武及體孝思曾

恩榮別稱謂七款事隸吏兵等部者聽各該衙門議

覆外所有領糧之費勒當除一款事屬本部職
掌相應議覆飭行案呈到部該臣等看得

朝廷額設餉司于各鎮原期出納公平所以利軍非
以病軍也第法久弊生胥役乘机需索者固多
武弁藉口掊剋者亦夥徃徃給散短少軍無實
惠誠有如武進士陳值等所陳者然而近年以
來

皇上矜念士卒

功令森嚴胥役有李同寅王昌等之梟示餉司有

陳調鼎何朝宗等之挈問而臣部仰體

聖明恤軍至意節次申明告誡若官若役不寒而慄
需索尅減之夙弊亦庶幾其漸釐矣近又

特遣監視以督察于外

欽命總理以管攝于內而庫折短少之口實似亦可
以塞矣大約餉司發餉以掛領投到之先後爲
序則胥役無所用其遲速之巧兵道掛號以營
伍衝緩之次第爲序則胥役亦無所用其先後
之奸而督撫司道時時抽驗包封則奸弁亦無

所用其扣剋使費之謀敢有怙終不悛猶然壞
法作奸者聽督撫按關道諸臣查訪得實輕則
提究重則叅處有不改絃易轍滌胃洗腸甘以
身試法者自有

皇上之斧鉞在但恐外解不繼積欠難補悍弁或破
例以希恩驕卒亦挾索而無厭則又漸不可長
而黨當預弭者恃在

天語之申飭耳既經條議前來相應覆

請恭候

命下臣部通行各該衙門刊示嚴飭施行

崇禎四年十二月十七日具

題本月二十一日奉

聖旨餉司職在贍兵正欲稽覈出納厘剔奸弊豈得縱容胥役多方勒索且此輩頂首數千金非剝軍何償除有犯定置重典外其餉司通同侵染及罷閤不能禁察者該督撫按叅來分別議處本內掛號給發等事俱依議著實行若奸弁藉口尅減驕兵妄肆挾挾一体論治各邊俱著大書榜示欽此

覆中協監視家丁食糧則例疏

題爲急補中軍旗鼓以便傳宣事專理新餉山東
清吏司案呈崇禎四年十二月十二日奉本部
送戶科抄出兵科外抄該監視中協太監王之
心題前事請設中軍旗鼓併加家丁月餉緣繇
本年十二月初十日奉

聖旨巡撫中軍用副總兵是否舊制本內李守信以
原官管中軍事果否相應併其餘所請事情通著
該部酌議具覆欽此欽遵分抄到部送司除中軍

旗鼓聽兵部議覆外所請標下家丁加餉一節相應酌覆案呈到部該臣等看得內臣奉

命監視中軍以備傳宣家丁以備奔走自不可缺一者中軍廩糧俟兵部議定應用職銜照例支給外其家丁食糧則例臣前已照新兵例月給銀一兩五錢今內臣比撫臣家丁有二兩七錢二兩一錢者臣查薊鎮餉冊無巡撫家丁名色惟飛騎營有超等兵三百一十一名每名二兩七錢其爲家丁與否不可知然臣政嫌其厚方移

咨兵部再爲講求尚無成議若監視家丁雖亦當從優厚但恐一協加增而三協內臣之家丁皆增也臣願內臣作法于儉以爲諸鎮之倡彼索糈過腆者聞之自當以次就約束矣業奉

明旨合無如疏中所請每月一兩五錢之外再加米一斛以遵薊米價計之約逾二兩雖不至如超等兵之過厚已在關寧一兩八錢之上似已不厚或亦內臣所樂從也旣經具題前來相應覆

請恭候

度支奏議

新編國子監

百二十

命下臣部移文各該衙門遵奉施行

崇禎四年十二月十七日具

題本月二十一日奉

聖旨兵餉例宜畫一這家十月餉著照前額不必議
加併該撫所設超等兵食糧過厚是否經制允協
着會同兵部酌議確奏欽此

題借老庫輕賁漕折充餉疏

題爲歲逼解餉不至嚴疆缺額可虞謹冒昧籲祈
天恩允借庫銀以濟亟需事專理新餉山東清吏司
案呈查得各鎮閏十一月分新餉除通昌天津
永平原額無多俱經發足外寧遠尚欠六萬兩
薊鎮尚欠六萬五千四百五十七兩七分山海
尚欠二萬三千四百二十二兩八錢五分密鎮
尚欠三萬四千二十六兩二錢四分以上共欠
一十八萬二千九百六兩一錢六分據南直浙

江江西四川湖廣廣西等處報解在途二十餘萬歲已將盡未見到部卽使近歲有到者而運發不及各兵懸望未免呼索相應暫爲額借俟明春解到補還等因案呈到部該臣等看得新餉額數已呈

御覽出入相衡應有盈餘而出數往往苦不足者半因逋欠半因透用補償且今冬加一閏月又增新餉四十餘萬也臣部前疏先

請通行預徵三分再疏

請催河南山東

畿南六府預徵勒限歲內到部正以歷查往日每于歲盡春初新陳不接致兵餉有中斷之苦故先時而爲之計今報解之數亦稍足支持而天寒日短留滯不前查五日

奏報冊內止貯銀三萬餘兩內尚有已劄薊鎮二萬兩餘銀無幾又續發山海矣開寧薊密缺餉尚浮各鎮兵士屈指月餉以爲卒歲之需若歲前不到恐脫巾有口卽治臣部誤

國之罪何濟於事臣亦知額借不可爲長策然緩急權宜刻期補償憶本年四月內曾借老庫光祿太僕銀二十萬兩臣已次第償足無損於諸正額而有濟巖疆之急想亦

聖明所不深督也今亦不敢再

請罔寺以啓爭執卽光祿關係

內供臣亦未敢輕言那移查臣部老庫尚有銀三萬五千兩輕資潛折尚有銀二萬五千兩合之可得六萬兩移克薊遼閏十一月分正餉早爲

解發所欠十萬餘兩仍候外解接濟借過銀兩
姑俟新春稍裕照數補還蓋前十一月餉銀尚
有遲至十二月初旬始發者今歲聿云暮待哺
尤殷勢固有所不能緩也伏祈

俯賜俞允蚤爲接濟庶衝邊塞杜生煙歡騰歲籥而
臣部亦於絕處逢生頂戴

高厚不淺矣臣等曷勝慄又待

命之至

崇禎四年十二月十七日具

題本月十八日奉

聖旨依議暫移給發卽行補還外解見到何處着各撫按嚴加防護督催前來毋得延緩疎虞還着兵部差人傳飭欽此

題減撫按軍餉公費疏

題爲仰遵

明旨酌減撫按助餉原額以期可行事專理新餉山東清吏司案呈崇禎四年十月二十六日奉本部送戶科抄出本部題前事等因本年十月二十四日奉

聖旨這酌定撫按軍餉公費額例依議俱自今年爲始著照數解進不得復有虧延河南等處如何未派軍餉還着奏明又浙江各省濶稱督撫殊屬踈

率以後本章着改正行欽此欽遵抄出到部送司
除呈堂通行省直各該衙門遵照奉行外所有
河南等處未派軍餉緣因查照天啓三年題派
原疏刊書內逐一酌減其刊書所載原無派有
河南等處軍餉是以不敢槩派今奉還着查明
之

旨相應題

知案呈到部該臣等看得督撫軍餉議克遼餉始于
天啓元年本部尚書李汝華等爲欽奉

明旨廣集廷臣會議一疏內稱保定應天鳳陽浙江
江西南贛福建湖廣鄖陽河南山東廣東廣西
四川雲南等十五督撫查照原額以十分爲率
每年各解一分充餉以至河道總督衙門畧比
軍餉事例每年解十萬兩接濟事平停止至天
啓三年十二月內尚書李宗延等爲遼餉虧額
已多雜項久無確數一疏刊刻成書內止載浙
江巡撫軍餉四萬二千兩江西巡撫軍餉六千
兩南贛巡撫三千三百二十四兩山東止河道

總督二萬一千兩廣東督撫軍餉四萬一千兩
應天巡撫軍餉二萬兩湖廣巡撫軍餉一萬五
千兩鄖陽巡撫六百兩福建巡撫軍餉三萬三
千兩原無派及河南山東保定鳳陽廣西四川
雲南等處巡撫軍餉或以地方原無軍餉或以
該省偶值兵荒故刊書未有額派臣部簡查舊
案再請

申飭見已定者尚且爭執不認其未派者何敢妄爲
增加遂因仍前額酌減以俟

聖裁今除雲南貴州幅幘褊小不必厚望外如河南山東保定鳳陽四川廣西六撫似應仍令再行酌議量爲扣解以示涓埃之助且年來虜倣頻仍各撫乃心

王室搜括助餉者不乏則亦未可謂勝事之難繼也又浙江各省疏中涸稱督撫亦照刊書舊文謄寫而非自今日始者今奉

明旨已改正遵行矣謹將河南等處未派軍餉始末據實奏明伏惟

聖明炤察

勅下臣部遵奉施行

崇禎四年十二月十八日具

題本月二十一日奉

聖旨依議欽此

覆蜀撫解補蜀兵安家并扣抵秦兵行糧疏

題爲遵

旨起解見貯驛站捐助銀兩以抵給過蜀兵安家月
餉并

請補秦兵不敷安家議還借給秦兵行糧事專理新
餉山東清吏司案呈崇禎四年十一月十八日
奉本部送戶科抄出四川巡撫張論題前事等
因本年十一月十六日奉

聖旨銀兩解到着照數查收其扣補安家行糧二項

戶兵兩部覈議明白具奏欽此欽遵抄出到部送
司查據疏內報解三年分已完裁站銀四萬六
百一十六兩七錢六分九厘八毫補還本部借
給蜀兵安家又扣解續收捐助銀一千四十兩
三錢一分一厘補足本部借給蜀兵月餉再除
三年分未完裁站銀一千三百一十九兩六錢
二分二厘俟催完抵解安家外尚有無抵安家
銀七千六百七十九兩六錢八厘二毫欲將四
年分站銀內扣抵又本省借給過秦兵行糧銀

三萬一千六百六兩五錢八分議將三年分未完生員優免銀二萬三千兩并抵剩續收捐助銀二千九百六十四兩四錢二分一厘及四年分應解錢息一萬兩內扣五千六百四十二兩一錢五分九厘共足三萬一千六百六兩五錢八分以抵本省借給秦兵行糧之數此蜀撫張論疏

請之意也今查戴文斗等所解銀兩尚未到部俟到日照數查收外所議扣補安家四年驛站聽兵

部議覆外行糧一項相應酌議具覆案呈到部
該臣等看得援兵月餉出自該省自蜀撫以加
派歸部途并月餉屬部支給臣部以蜀方新定
勉爲認承而但索從前之借給據疏稱節次解
還俟解官戴文斗等到部銷算外秦兵行糧共
費至三萬三千五百餘兩就中虛冒臣部不能
遙覈除捐助一千九百七十餘兩尚餘三萬一
千六百六兩五錢八分欲以三年未解生員優
免二萬三千兩續報抵剩捐助銀二千九百六

十四兩四錢二分錢息銀五千六百四十二兩
一錢五分留抵秦兵行糧臣部當此捉襟露肘
之日毫釐亦難議割據所比福建抵用優免雲
南抵用錢息之例臣部何敢妄有異同但彼時
閩方用兵而援兵月餉閩亦自認按月解部故
臣曲爲抵銷蜀中休息有年援餉全責臣部事
情頗有不同萬不得已姑准開銷捐助銀二千
九百六十四兩四錢二分再于錢息銀一萬兩
內扣出五千兩以抵秦兵借用行糧之數至于

借用過臣部無抵安家銀七千六百七十九兩
零既稱三年站銀已盡欲於四年站銀內扣抵
此自兵部職掌應俟兵部酌覆恐兵部以買馬
方殷或有難色則臣部姑與准其開銷免令措
補是臣部之爲蜀省寬者三項已逾一萬四千
餘兩矣餘則俟該省自爲設處若三年生員優
免二萬三千餘兩歲額急需臣部固未敢曲徇
也既經具題前來相應覆

請恭候

令下臣部移文該省撫按遵奉施行

崇禎四年十二月十九日具

題本月二十二日奉

聖旨依議其優免銀兩著該撫按遵催解部不得留
抵欽此